

TOP-UP & WIN YOUR DREAM CAR



Worth of
K25,000
every month

*Check in-store Posters for more details

24/7 Customer Care: Call 345 6789 or www.telkompng.com.pg

TOP UP WANTAIM E FLEX NA KISIM 20% MOA

Top Up wantaim Electronic Flex wantaim K3 or moa na kisim 20% extra credits



RAROTONGA PIF BUNG... Praim Minista Peter O'Neill i go pinis long Rarotonga, Cook Islands long namba 43 bung bilong Pasifik Ailans Forum (PIF). Dispela bung bai lukluk long Riviium PIF Sekretariat, Pasifik Plen, ol Milenium Divilopmen Gols (MDGs), na sampela ol saming tu. O'Neill i tokim ol arapela lida olsem PNG em i tingting long toktok long Edukesen, Helt, Loa na Oda, anti-Korapsen, na iekonomik infrastraksa divelopmen long kamapim MDG. Em i tok tu olsem PNG i laik toktok long rijinal tred, iekonomik integresen, rijinal sekyuriti, na patnasip long leba mobiliti. Poto i soim O'Neill i toktok wantaim wanpela hetman bilong Afrika Keribien Pasifik (ACP) Sekretariat long Edgewater Resort, Rarotonga, Cook Ailans.



Manus Asailum toktok i no pinis

Aja Alex Potabe i raitim

men long opim dispela senta gen.

Dispela asailum prosing senta bai kamap olsem wanpela ples we ol refuji manmeri, husat i nogat kantri, bai kam stap long hap pastaim long ol i go long sampela kantri gen long stap olgeta long hap.

Yunaited Nesens Hai Komisina fo Refujis (UNHCR), i tok moa long ol dispela refuji i save laik long go long Australia taim ol i save lusim kantri bilong ol bikos laipstail long Australia em i gutpela tru.

Planti ol i kam long kain kantri olsem Afghanistan,

Iran, Pakistan, Sri Lanka, Myanmar na sampela kantri long Afrika tu wantaim.

Ol i lusim kantri bilong ol yet bikos pait i kamap, gavman o birua i laik kilim ol, o sapos sampela nogut saming i kamap long hap. Planti manmeri i save

kam olsem long Malaysia na Indoesia long go long Australia. Sampela i lusim laip pinis taim ol i painim solwara birua long solwara bikos sip bilong ol i save pulap nogut tru.

I go moa long pes 2

MANUS Asailum Sika Prosing Senta bai op gen bihain long tupela gavman bilong Australia na PNG i pinisim ol namba wan toktok long kamapim wanpela agri-



GLOBE
...the perfect choice
VITAMIN ENRICHED

More Easy, More Tasty, More Healthy.

1 kg Rice
MEDIUM GRAIN

O'Neill tokaut long ol vais minista

Praim Minista Peter O'Neill i tokaut long ol Vais Minista bilong namba 9 nesenel palamen, na em i wanbel olsem ol dispela nupela namba tu minista bilong gavman dipatmen em ol lida husat i gat ekspirens long sevim pipel na larim gavman i stap stebol.

O'Neill i tokaut olsem em i gat bikpela bilip long ol dispela lida long wok gut bikos ol pipel i gat bikpela bilip tu long ol, na ol i

makim ol i kam insait long palamen long makim maus bilong ol pipel.

"Mi laik tokim ol pipel bilong Papua Niugini olsem gavman i nau lukluk long stretim laipstail bilong ol pipel taim mipela i makim ol dispela lida husat i ken mekim wok stret long sevim ol nid bilong pipel bilong bilong yumi .

"Ol dispela vais minista bai wokbung wantaim ol minista long larim ol divel-

opmen gol bilong gavman i kamap.

"Dispela gavman bai kirapim gut ol Opis bilong Vais Minista, na kirapim fanning na putim inap wok manmeri long larim ol i wok gut tru stret long sevim pipel," em i tok.

O'Neill i tok, planti yia i go pinis, ol Opis bilong Vais Minista i no bin wok gut bikos ol bipo gavman i no save givim gut fan o inap mani long ronim. Tasol em i

tok gavman bilong en bai givim bek strong na pawa long larim ol vais minista i wok stret long ol dispela opis.

O'Neill i tokaut tu olsem ol Opis bilong Palamentri Komiti tu bai kisim gutpela fanning long larim ol i wok gut.

Ol dispela nupela Vais Minista em ol:

Labi Amaiu (Spots & Pasifik Gems), Delilah Gore (Tresari), Mogerema

(Agrikalsa & Laipstok), Wera Mori (Maining), Gisuwat Siniwin (Edukesen), James Lagea, (Helt), Robert Atyafa (Foren Afes & Imagresen), Johnson Tuke (Pablik Entaprais & Stet Invesmen), Ronny Knight (Trade, Komes & Industri), Benjamin Philip (Fainens), Joe Sungi, (Provinsal & Lokol Level Gavman), De Kewanu, (Woks & Implementesen).

TELE Apdeit

Citifon SMS Vois & Data Top-Up

Risasim Vois Akaun bilong Yu

1.Skrapim silva panel long baksait bilong Telikad/Rait Kad long kisim 12-pela namba.

2.Opim nupela SMS

3.Taipim V bilong vois, na bihain long en, taipim * na bihain Telikad/Rait Kad Namba

4.Salim i go long 1257

5.Wet long kisim SMS toksave bekim bilong yu

E . g T a i p i m (V*xxxxxxxxxxx) salim i go long 1257

Risasim data akaun

1.Skrapim silva panel long baksait bilong Telikad/Rait Kad long painim 12-pela namba.

2. Opim nupela SMS

3. Taipim D bilong data, na bihain long en, taipim * na bihain Telikad/Rait Kad Namba

4. Salim i go long 1257

5. Wet long kisim SMS toksave bekim bilong yu E.g Taipim (D*xxxxxxxxxxx) salim i go long 1257

Sekim Data (D) o Voice (V) Balens bilong yu

1. Opim nupela SMS

2. Taipim V o D na salim i go long 1256

3. Wetim balens toksave bekim bilong yu

Ol toktok long opim bek Panguna Main i go het

OL TOKTOK long opim bek Bogenvil Kopa Main long Panguna i wok long go gut na i go het i stap, Kantri Menesa bilong Rio Tinti Minerels PNG Limitit, Paul Coleman, i tok.

Mista Coleman i tok olsem long dispela wik bihainim askim bilong ol niuslain husat i bin stap insait long liklik bung we Bogenvil Kopa Limitit (BCL) i bin donetim sampela helpim man i long sapotim Tim Bogenvil i go long PNG Gems long Is Nu Briten long mun Novemba dispela yia.

Tasol Mista Coleman i tok kampani i laik bihainim stret-pela rot long toktok wantaim olgeta feksen o lain long abrusim belhevi o asua bilong pastaim.

"Ol toktok i wok long go gut, na mipela i laik mekim ol samting long stret-pela we o rot long abrusim ol mistek o asua bilong pastaim.

"Long dispela taim, mipela i mas skelim gut stret ol samting na mekim samting long stret-pela rot.

"Mipela i toktok wantaim olgeta feksen olsem ol lain i bin stap insait long pait long Bogenvil hevi, ol papagraun na Otonomes Bogenvil Gavman (ABG)," Mista Coleman, i tok.

Em i tok long opim bek Panguna Kopa Main, em bai kostim namel long US\$4-6 milian. Em i tok insait long las tupela mun, ol toktok i kamap na i go gut, tasol i gat planti wok i stap yet long mekim.

Em i tok tu olsem bihain long ol toktok wantaim ol stekholda, ol bai karimaut wanpela wok stadi we bai glasim na skelim ol wok i sut long opim bek main.



AILAN LAIP: Ol dispela mangi bilong Aua Ailan long Manus Provins i amamas pilai soka long nambis. Ailan laip i gutpela na pipel i save rileks i stap wantaim nogat planti wari long ol kain samting.

i kam long fran pes

Manus Asailum Senta toktok i no pinis

Nau yet, gavman i wok long stretim ol toktok long kamapim wanpela agrimen wantaim Gavman bilong Australia long larim Australia i kisim ol dispela refuji manmeri i kam insait long kantri, na lusim long Manus.

Foren Afes Minista, Ribink Pato, i tok nau yet, tupela gavman i stretim ol pepa wok na arapela wok long opim gen dispela Manus senta.

"I gat bikpela samting long mekim long dispela samting. Olsem na mipela les long larim ol foren media o niusman bilong arapela kantri i kam insait long PNG long raitim stori long dipela samting.

"Em i sampela kain samting na taim mipela i no pin-

isim ol toktok gut, wok bilong media i ken bagarapim ol samting, na tu tokim pipel long wol long narapela kain we," Pato i tok.

Em i tok tambu tu long ol Australian Gavman opisal na ami tu long go lukim dispela senta yet long Manus.

Manus Provinsal gavman i sapotim dispela plen bilong gavman long wokbung wantaim Australia long opim dispela senta gen.

Pato i tok taim ol i holim miting wantaim Manus Gavana, Charlie Benjamin, na Manus Open Memba, Ronnie Knight, toktok i bin go gut, na tupela provinsal na nesenel gavman wantaim i wanbel na sanap wantaim long larim Australia i opim

gen dispela rijinel prosesing senta.

"Liklik samting wok long holim mipela, em i wanpela liklik toktok mipela i tingting long putim i go insait long dispela MoU tupela gavman bai holim long wokbung wantaim.

"Dispela toktok long ol sampela helpim Australia bai givim long Manus Provins na PNG gavman long opim gen dispela senta," Pato i tok.

Australia i wanbel long dispela na ol i wet tasol long pinisim dispela toktok . Taim ol i stretim dispela toktok, i luk olsem Australia bai stretim gen ol samting bilong dispela Manus senta bikos haus na ol samting i bagarap pinis.

Bihain long dispela i pinis, i luk olsem namba wan refuji manmeri bai kam insait long PNG.

NCD Gavana Powes Parkop, husat i wanpela man Manus, i tok PNG i nogat wanpela loa long larim ol asailum sika i kam stap insait long kantri.

"Nogat wanpela loa i stap long kantri long larim ol dispela kain manmeri i kam insait long kantri, na mi bai kisim dispela i go long kot long stopim gavman i kamapim dispela Manus Ailan rijenal prosesing senta," Parkop, husat i wanpela humen raits loya, i tok.

Parkop bai kisim PNG na Australian Gavman i go long kot.

Hawa Haus Kalabus bai op wanem taim

HAWA Haus Kalabus o CIS Stesen long Tari, Hela Provins em i wanpela namba wan gavman institusen long kantri, tasol em i bin pas long yia 1997 bihain long bikpela politiel kraisis i bin kamap long ileksen taim long Sauten Hailans.

Dispela haus kalabus i bin pas long moa long 15 yias, na maski gavman i no mekim wanpela samting long opim gen, ol papagraun yet i lukautim gut ol

samting bilong gavman.

Taim dispela haus kalabus i bin pas bihain long ol lain bilong Anderson Agiru long Hela, na leit Dick Mune bilong Nipa, i bin pait long 1997 ileksen taim, loa na oda asua insait long Hela eria i bin go antap tru.

"Mipela papagraun bilong Hawa i redi long wokbung wantaim nupela gavman. Mipela i no bagarapim ol samting bilong gavman, olsem haus

bilong ol wada, haus kalabus yet, rot, pawa lain, na ol arapela samting," lokol kaunsila, Peter Ale, i tok.

Ale i tok dispela nupela gavman mas opim gen Hawa CIS Stesen bikos em i ken daunim loa na oda asua, na tu helpim ol manmeri long kamapim trabol long kisim save, na stap isi.

"Bikpela LNG Projek ya i kamap long Hela. Nau Maun Kare gol maining projek tu bai i no long taim tasol kamap. Sapos gav-

man i no bisi long opim dispela haus kalabus, loa na oda asua bai stap yet. Ol manmeri i no save pret long polisman bikos ol i ken givim braiberi mani na kamaut long sel," Ale i tok.

Em i tok sapos gavman, wantaim sapot bilong CIS minista, ol lokol memba bilong Hela na ol papagraun i wanbel long opim gen dispela stesen, orait ol manmeri bai gat gutpela sindaun.

"Ol man bai nonap pait.

Ol bai nonap stil. Pasin bilong bel isi, na harim toktok bilong lida bai stap long komyuniti. Ol investa bai pilim seif long kam mekim bisnis long Hela, na manmeri bai les long mekim trabol," Ale i tok.

Olsem na Ale i singaut strong long CIS Minista Jim Simantab, 4-pela memba bilong Hela, na gavman long harim dispela liklik singaut, we em i ken senisim Hela sapos dispela stesen i op gen.



Hela Admin- istreta bai waitman

I LUK olsem ol waitman tasol bai holim ol sinia posisen long wan-wan gavman dipatmen, o gavman rejensi long Hela bihain long tokwin i kamaut oslem nupela provinsal administreta bilong dispela nupela provins bai wanpela waitman.

Long stopim pasin wantok sistem, les long wok, stap nating na stilim gavman mani, na pasin jeles long holim bikpela posisen, Gavana Anderson Agiru, i tingting long givim olgeta bikpela o sinia posisen bilong Hela Provinsal Gavman i go long ol waitman tasol.

Wanpela man, husat i save stap klostu wantaim Agiru, i tokaut oslem, Agiru bai makim wanpela waitman kamap administreta bilong Hela pas-taim. Dispela bai soim olsem ol arapela sinia posisen tu bai go long ol waitman.

"Bihain long en, i luk olsem ol waitman tu bai kisim olgeta sinia posisen long provinsal gavman. Em i gutpela samting tu bikos nau yet ol pablik sevan long Hela i no save wok, tasol stap nating na kisim fri mani bilong gavman," man ya i tok.

Tasol taim ol waitman i lukautim ol arapela wok manmeri, dispela i ken mekim ol arapela wok manmeri i wok gut long sevim gavman, na kisim potnait mani long wok ol i mekim.

Hela i nogat planti save manmeri tu. Sapos ol dispela kain waitman i gat moa save i holim bikpela posisen, na lainim ol manmeri bilong yumi long wok, em i orait. Sapos ol i no lainim, tasol ol i tingting long mani tasol na gridi long save na eksprens bilong ol, orait Hela pipel bai kamap lus lain olgeta.



HELA GAVANA: Anderson Agiru



402 WINNERS SO FAR!
You could be the next Winner!

Share in PNG's Biggest
EVER Cash Prize Giveaway of

K1,600,000!

1 Grand Prize winner of
K1,000,000

drawn in December, 2012

Simply complete eligible transactions with your BSP Card at any BSP ATM, BSP EFTPoS Device or via BSP Mobile Banking and you will go into the draw



Find Us On:



www.bsp.com.pg

Refer to our website for full Terms & Conditions.

Niupela Maggi MagicTeist
Wanpela kain kuing pauda

Bai givim **BEST** teist long kainkain kuk

Jimi mas kisim gavman sevis

Aja Alex Potabe i raitim

OL SUMATIN bilong Jimi ilektoret, Jiwaka Provins, husat i skul long Yunivesiti ov Papua Niugini (UPNG), na long ol arapela teseri institusen insait long kantri i laikim nupela memba bilong Jimi, Mai Dop, long kisim gavman sevis i go daun long pipel.

Ol i nau singaut strong long ol kendidet, husat i bin lus long dispela ileksen, long lusim ol pasin politiks na sik ol i gat agensim Dop, tasol wokbung wantaim nupela memba we planti pipel i laikim na makim.

Presiden bilong UPNG Jimi Sumatin, Josephet Nongie, i tok Jimi ilektoret em i bin bagarap stret long laspela 36 yia bikos nogat wanpela gavman sevis i bin go insait, na ol pipel i bin kisim hatpela taim na ol inap.

Taim PNG i kisim indipendens long yia 1975 i kam inap nau, i nogat wanpela han mak long soim olsem Jimi Ilektoret i save kisim Distrik Sapot Impruvmen Progrem (DSIP) Fan, na Distrik Sapot Gren (DSG) bikos ol dispela mani i save pinis nating long ol giaman kleim.

Na sampela i save lus nating long han bilong ol gavman wok manmeri.

"Mipela i les pinis long dispela kain pasin bai kamap oltaim long tasol nau long dispela nupela tem bilong palamen, gavman sevis i

mas go long olgeta kona bilong ilektoret", Nongie i tok.

Ol sumatin i tok Jimi distrik i stap long mak nogut stret bikos ol rot na bris i bagarap pinis, ol skul na haus sik i pas, na tu sampela ol gavman sevis i no stap long sevim na stretim sindaun bilong ol pipel bikos i nogat wanpela gavman faning save go long stretim na luk-save long ol dispela namba wan sevis long dispela hap bilong kantri.

"Planti bilong mipela i bin mov i go long narapela distrik insait long Jiwaka yet long pinisim hai skul na sekondari skul. Sampela i save wokabaut longpela rot long go skul. Ol mama i save kisim bikpela taim long go long haus sik long karim pikinini.

"Planti ol liklik ples manmeri i save painim hat stret long salim ol fres gaden kaikai bilong ol bikos i nogat wanpela gutpela maket we ol i ken salim na mekim mani long sapotim ol yet. Nogat wanpela gutpela rot na bris tu i stap long ol asples manmeri bai kisim ol gaden kaikai olse pinat, marita, kumu na kopi i go long maket na mekim mani long sapotim ikonomi bilong kantri," ol sumatin i tok.

Olgeta Jimi sumatin i stap long yunivesiti na ol arapela teseri skul, husat bai lukautim na ronim dispela distrik long bihain taim, i pasin tok na singaut strong long ol arapela kendidet, husat i bin lus long lleksen 2012 long

noken westim taim na kisim win bilong Dop i go long kot bikos dispela kain pasin bai nonap mekim wanpela samting long senisim laip bilong ol pipel.

"Mipela i les long ol kendidet i go long kot bikos dispela bai westim taim inap long larim ol manmeri Jimi i kisim gutpela gavman sevis, we longpela taim stret ol i no bin kisim. Mipela i no bihainim laik bilong wanpela

man, mipela i makim maus bilong ol liklik pipel long ples na les long ol kendidet i pait namel long ol yet i go kam", ol i tok.

Bungwai Kondopoka, wanpela sumatin bilong Nazarene Tisas Kolis (Teachers College) long Wara Tuman, Jiwaka Provins, i tok Jimi ilektoret i mas kirap long kamap wankain olsem ol arapela distrik long provins yet, na kantri.

Em i tok sapos ol kendidet husat i lus, na i tingting long kisim win bilong Dop i go long kot i laik sevim pipel stret, orait ol i mas wokbung wantaim Dop long sensim Jimi bikos kot bai westim taim, ba pipel ol i laik sevim bai kisim bikpela taim.

Ol sumatin i tok bipo memba oslem Francis Kunai na Wake Goi i bin givim sevis long ol 'Kopun' tasol, na dispela i mekim tu-

pela i lusim sia bilong tupela.

Ol sumatin i askim Dop long sekim olsem wanem ol bipo memba i save yusim mani bilong ilektoret.

Ol i tok moa long K20 milian DSIP na DSG mani long yia 2007-2012, i kam long Opis ov Rurel Divoipmen i nogat wanpela hanmak long soim olsem dispela mani i mekim wanpela samting long Jimi.



Post Title: Project Administrative & Financial Assistant (PAFA)
Project: Community-based Forest & Coastal Conservation and Resources Management in PNG
Duty Station: Department of Environment and Conservation, Port Moresby
Duration: 1 year (with possibility for extension)
Type of Contract: Service Contract
Starting Date: October 2012

Project Background:

Conservation in Papua New Guinea is hindered by a combination of systemic and policy barriers to effectively manage Protected Areas in combination with the capacity and economic development barriers at the local (community/ clan) level that directly affect the decisions communities make about the use of their natural resources. The challenge lies in devising resource-allocation decision-making models that allow communities to fulfill their income needs and developmental aspirations, while ensuring that a viable, representative proportion of the country's terrestrial and marine resources are conserved for national and global environmental purposes. The only mechanism by which these two goals can be aligned is through the model of community-based conservation areas. However the large-scale establishment of such CCAs is hindered by the range of policy, capacity and financial barriers described above. Therefore, the Department of Environment and Conservation (DEC) in partnership with UNDP will implement the Global Environment Facility (GEF) funded "Community-based Forest and Coastal Conservation and Resource Management Project in Papua New Guinea". The overall objective of the Project is to establish a system of effective terrestrial and marine protected areas which builds upon existing community-based resource management structures for Whiteman and Nakanai Ranges on New Britain Island and Owen Stanley Range sections in Central and Northern Provinces.

The project implementation involves a multitude of day-to-day activities ranging from project management, financing and administration which would be carried out by numerous individuals and organizations. Hence, the project requires the services of a Project Administrative and Financial Assistant (PAFA) to work under the supervision of the Project Manager. The PAFA will work under the direct supervision of the Project Manager and work closely with other staff of the Project Support Unit including personnel from the DEC's Sustainable Environment Program Wing and UNDP CO.

Duties and Responsibilities:

The Project Administrative & Financial Assistant (PAFA) will be responsible for the provision of all administrative and financial support to the PSU for the implementation. Specially, the responsibilities include:

- Manage the day-to-day administrative and financial operations including provision of technical support services in close collaboration with DEC and UN Agencies;
- Assist the Terrestrial Biodiversity Conservation Programme Support Unit Manager to ensure all the necessary financial disbursement, procurement of goods and services including personnel matters are effectively addressed in a timely manner;
- Lead the compilation and/or preparation of documentation necessary for the procurement of services, goods and supplies under the project;
- Ensure all administrative, financial and logistical support for project implementation is in accordance with relevant UNDP Programme and Operations Policies, Procedures and Guidelines. This includes maintenance of projects funds disbursement ledger and journal;
- Assist PSU and DEC organize meetings, workshops and any stakeholder consultations including preparation of meeting minutes;
- Ensure and maintain an electronic and hard copies' filing system for the programme including management of incoming and outgoing correspondences;
- Assist in the preparation of all documentation (including internal and external correspondence) in advance of and following all meetings/workshops;
- Contribute to edit reports and other documents for correctness of form and content;
- Co-ordinate and assist in travel arrangements for project personnel or for representatives within the thematic working groups;
- Organize and coordinate information exchange between participating institutions nationally, regionally and internationally
- Assist in the preparation of awareness and advocacy including print and electronic media documents related to programme activities. This includes provision of oral interpretation and written translation when required;
- Assist maintain and update the established project website;
- Undertake other administrative/financial duties as requested by the Project Manager.

Qualifications and Experience:

- University degree or equivalent in Business Administration, Accounting, Social Sciences, Political Sciences or related field;
- Minimum of 3 years working experience in the area of project administration and financial management;
- Familiar with development issues at the global, regional and national level (knowledge of biodiversity conservation and key partners will be an advantage);
- Familiarity with environmental issues and knowledge of environmental challenges in PNG including community-based conservation or resource management is desirable;
- Demonstrated experience in government and interdepartmental procedures;
- Demonstrated experience in providing office management support in particular provision of logistical support to execute tasks;
- Demonstrated experience in leading and organizing stakeholder consultations in complex environments;
- Demonstrated time-management and organizational skills and ability to work with minimum supervision in a team environment involving different cultures;
- Excellent inter and intrapersonal skills for all forms of communication
- Fluency in written/oral Tok Pisin and English and excellent computer knowledge (Word, Excel, PowerPoint) and experience in preparing and maintaining website materials;

Deadline for submission of applications: 05 September, 2012

Please submit your application consisting of UNDP Personal History Form with cover letter and updated C.V. to: The Resident Representative, UNDP, P.O. Box 1041, Port Moresby, or by email: registry.pg@undp.org or per fax: 321 1224. For detail job description and Personal History Form email: yvonne.baloloi@undp.org or registry.pg@undp.org. Please note that incomplete applications or applications submitted after the deadline cannot be considered. **Only short-listed candidates will be contacted.**



TRAIM TASOL!

Taylor Mika Schulz, i gat 2-pela krismas tasol. Em i hapkas mangi na em i save stap wantaim mama bilong em long Renbo Gerehu long Pot Mosbi. Mama na ol anti bilong em i go danis Manus long Manus De long Sarere wik i go pinis. Liklik Taylor i lukim olsem em mas traim narapela danis. Olsem na em i bilas Tolai na kisim wanpela bikpela basket Tolai na traim danis bilong ol, Tolai long fran bilong haus bilong ol taim musik bilong Is Nu Briten i pairap long redio. *Stori na Poto Nicky Bernard*

Israeli turis i laikim tru PNG

Aja Alex Potabe i raitim

PAPUA Niugini (PNG) em i wanpela liklik kantri insait long Saut Pasifik rijen. Kantri bilong yumi PNG, em i no wanpela bikpela o develop kantri, tasol em i save stilim lewa na paulim tingting bilong sampela ausait manmeri o sampela ol forena.

Ol dispela kain manmeri husat i save laikim PNG save raitim stori buk long PNG, go kam long kantri olsem turis long holide, painim wok na wok long PNG, mekim bisnis hia, o maritim meri PNG na stap olgeta long hia.

Nem bilong PNG em i bagarap pinis olsem wanpela nogut kantri insait long wol. PNG i gat nem nogut long kilim man nating nating, stilim ol samting, pasin pait na trabel, na ol arapela nogut samting olsem sik AIDS na pasin korapsen.

Maski yumi gat ol dispela kain nogut samting i stap yet long kantri, sampela manmeri i save laikim stret kantri bilong yumi.

Planti hap bilong kantri i nogat gutpela rot na bris, wara saplai, haus sik, pawa lait na ol arapela gutpela gavman sevis bilong mekim laip bilong pipel isi tru.

Maski dispela i mekim PNG i no gutpela ples long stap, sampela manmeri i laikim tru PNG olsem wanpela gutpela, stailpela na fri kantri insait long wol.

Wanpela turis i kam long Israel i bin laikim tru PNG bikos dispela kantri em i wanpela gutpela kantri tru. Gilad Lev, husat i gat 23 kristmas na em i wanpela Jewish man, i tokaut olsem PNG em i wanpela stailpela kantri wantaim kainkain manmeri, pasin, bilas, na olgeta samting.

"Mi no save lukim dispela kain ples long sampela hap. Olgeta manmeri mi toktok wantaim ol i amamas long helpim mi, na nogat wanpela man i tingting long kamapim pasin birua wantaim mi o stilim bek bilong mi o stilim kemra o mani," Lev i tok.

Dispela em i namba wan taim bilong Lev long kam long PNG. Em i stap long Nu Silan (New Zealand) na kam antap long Brisbane, Australia bipo em i kisim koneksen falit na kam antap long Mosbi.

"Mi laikim PNG bikos pasin bilong ol manmeri long ples em i gutpela tru. Ol pipel i gat laik long oltaim mekim ol olgeta gutpela samting tasol. Long sait bilong mi, mi lukim na skelim olsem ol asples manmeri i save laik long helpim ol nupela manmeri o mameri husat i lusim ples na kam i stap long nupela ples.

"Na tu PNG i gat gutpela wara, solwara, bus, graun, manmeri, na pasin. PNG em i gutpela kantri bikos nogat wanpela bikpela birua olsem pait o wo, pasin terorisisim, o ol bikpela bagarap olsem hai



MANGI ISRAEL...Gilad Lev em i wanpela mangi Israel tasol em i kaikai buai long East Cape long Milen Be Provins, we em i bin stap 1 wik long hap.

wara, volkeno, graun guria i save kamap. Bikman blesim yupela long gutpela samting tasol," Lev i tok.

Gilad em i wanpela ami bilong Israeli Difens Fos. Olgeta yangpela manmeri Israel i save sevim ami 2-pela yia pastaim bipo long ol i save mekim ol arapela wok.

Sapos ol i laik long kamap ami, orait ol i ken stap ami long lukautim kantri na sevim pipel bikos ol arapela kantri i stap klostu long Israel em ol birua bilong em tasol. Jordan, Syria, Lebanon, Egypt, na Palestine i raunim Israel, na ol i save pait wantaim Israel tasol.

Olsem na Gilad i bin stap ami taim kristmas bilong en i bin 16 yias ol. Tasol nau taim em i kamap bikpela mangi pinis, em i les long wok ami long Israel bikos planti pait i save kamap, na em i pilim inap long salim laip bilong en.

"Mi les long wok ami long kantri bilong mi yet. Mi laik amamas na raun na lukim ples. Olsem na mi bin ronawe i go daun long Nu Silan. Mi bin pikim ol prut long hap long mekim liklik mani long sapatim laip bilong mi yet," Gilad i tok.

Taim em i bin stap long Nu Silan, em i harim olsem

PNG em i wanpela gutpela kantri long go holide o go lukim ples tasol na go bek.

"Mi bin ridim ol samting bilong PNG olsem buk, intanet na megejin, na mi bin amamas nogut tru long kam lukim dispela ples. Mi bin kisim moa toktok long ol buk na megejin, tasol mi pilim em i no inap. Olsem na mi pilim mi yet mas go lukim na kambek," em i tok.

Long mun Julai dispela yia, Gilad i bin lusim Nu Silan na kam olsem turis long PNG. Em i bin pundaun long Jackson's Ples Balus long wanpela Fonde 3-kilok apinun. Em i bin stap long Nu Silan na kam long Brisbane bipo long em i kisim koneksen flait i kam antap long PNG.

"Mi wetim sampela lain longkam pikim mi. mi wet long 3-kilok apinun i kam inap nau. Luk olsem ol i mask am yet long rot o ol i mas painim mi yet," Gilad i bin tokim mi taim mi bin bungim em long 5-kilok apinun long Mosbi Ples Balus.

Turangu mangi ya mas kam kamap long Mosbi na em i laik kisim narapela koneksen flait gen o go daun long Alotau tasol em i leit pinis.

Mi bin lukim em sindaun long sem hap em i bin sin-

daun ya inap 1-pela awa olgeta na mi askim sapos em i orait o nogat.

"Brata bilong mi, yu orait o nogat?" Mi askim em. Em i smail wantaim na em i bekim olsem em i wetim sampela lain long kam pikim em tasol ol dispela lain ya i no kam ariap na em i wet yet.

Mi pilim sore nogut tru long en, na mi sindaun stori wantaim em. Mitupela i givim telepon namba na imel edres i go kam, na mitupela i tingting long painim ol lain husat bai kam pikim em.

Mitupela i wet tasol nogat wanpela manmeri i bin kam kisim em. Mi sore long lusim en na mi kisim em i go long UPNG kemas.

"Mi bin pret nogut tru bikos mi bin harim olsem stil pasin em i bikpela stret long PNG. Tasol yu helpim mi gut tru stret," em i tok.

Mi tupela go long UPNG, na kaikai sampela prut olsem kukamba, kerot, pinat, banana na ol arapela kaikai bilong PNG.

Mangi ya i laikim stret ol dispela kaikai na em i pinisim gut tru. Em i kaikai stap na mi tokim em ol dispela kaikai em i kaikai bilong Hagen antap long Hailans.

Bihin long dispela mitupela kalap long wanpela teksi na mi go lusim em long Waigani

Lodge.

"Mosbi em i naispela ples tru ya. I no oslem Nu Silans, we ples em i kol tru, na mipela i save kisim bikpela taim stret. Sapos tu no bin kam o sapos mitupela i no bin bung, mi bin tingting long slip long ples balus na tumora moning, mi kisim narapela balus na go daun long Alotau," em i tok.

Boi ya i nogat haus long Nu Silan. Em i save slip long kain ol liklik selhaus ol i kolim tent. Em i save kukim kaikai tu insait long dispela ten.

Olsem na em i no pilim wanpela samting bikos PNG em i hot, na gutpela weta em i laikim stret.

Narapela de em i go long Alotau, we em i bin kilim 1-wik olgeta long hap. Em i bin tingting long stap 4-pela wik olgeta long hap tasol wanpela sap ston insiat long solwara i bin pokim lek bilong en taim em i bin suim i stap long solwara.

Em i pret nogut sua bilong en i go bikpela. Olsem na Gilad i flai kambek long Mosbi na go bek long Nu Silan.

Em i kambek long Alotau na kam lukim mi long opis bilong Wantok Niuspepa long Able Computing Complex, Sentral Waigani.

"Mi amamas stret long lukim PNG. Mi laik stap moa tasol ston katim lek bilong mi na i nogat wanpela gutpela haus sik hia long ol bai stretim lek bilong. Olsem na mi laik go bek long Nu Silan na kisim narasin long stretim lek bilong mi," em i tok.

Gilad i tok em i laikim tru PNG, na em i bilip ol arapela turis manmeri o ol forena tu i laikim PNG, tasol gavman i nid long mekim sampela samting long pulim moa turis i kam insiat long kantri.

"Gavman mas katim daun mani mak bilong baim hotel o geshaus. Mani mak bilong baim balus tu i antap moa stret. Mi hat long bilipim mani mak bilong baim balus long Mosbi na go long Wewak em i K1000. Gavman mas stopim dispela kain pasin bikos PNG i gat planti samting long pulim moa turis i kam insait long kantri," Lev i tok.

Em i tok wanpela taim em i laik kambek long PNG bikos pasin na wei bilong PNG i stilim lewa bilong en pinis. Taim em i kambek em i laik go suim long Sepik Wara na go bilas na kalap wantaim ol Tari long Ambua Lodge.

Marape Edukesen Faundesen bai luksave long turangu pikinini

Samuel Peter Koim i raitim

MARAPE Edukesen Faundesen em wanpela progrem na aidia bilong nau Minista bilong Fainens, na Memba bilong Tari-Pori Open Ilektoret Hon. James Marape.

Marape i bin kirapim dispela aidia taim em bin stap Minista bilong Edukesen aninit long Somare Gavaman long yia 2009.

Dispela faundesen bai pait strong long larim olgeta pikinini bai kisim save na nogat wanpela bai stap nating long ples o raun nating long strit.

Marape i kamapim dispela faundesen long larim olgeta pikinini i go skul, lainim ol samting na kisim save long kamap gutpela manmeri bilong dispela gutpela kantri.

Dispela progrem tu bai i helpim olgeta pikinini husat i bin lusim skul long taim i go pinis. Ol pikinini husat i no save go long skul bikos

ol i nogat skul fi, bai nau go skul aninit long dispela faundesen.

Dispela faundesen i sanap long rausim olgeta displea kainkain laip na tingting nogut bilong stopim ol pikinini long go skul.

Plantu ol pikinini husat i stap long bus na ples, na i no save go long skul bai nau lukim dispela progrem olsem wanpela sans bilong ol long senisim laip, na go long skul long kisim save.

Long bihain taim bilong dispela progrem, ol i bai lukluk long helpim na supotim ol pikinini husat i pundaun long skul na nau stap nating long ples.

Dispela progrem tu bai go wantaim VOTEC-Vokesnol na Teknikel Edukesen progrem. Em bai sapotim VOTEC bikos VOTEC bai helpim ol yangpela lainim ol laip skills bilong helpim ol yet taim ol i go bek long ples.

Long sapotim dispela aidia bilong VOTEC, foapela Pailot Skul bai i

kirap insait long Pot Mosbi, Madang, Niugini Ailan Rijen o nogat bai insait long Bogenvil. Laspela bai kamap long Hela Provins.

Dispela progrem tu bai wokbung wantaim ol arapela skul olsem ol yunivesiti, teknikel skul, kolis, ol sekendari skul, na metrikulesen senta.

Dispela faundesen bai bes long Pot Mosbi na wanpela dairekta bai lukautim. Em bai wokbung wantaim Edukesen Dipatmen, na ol arapela bikpela intenesenel kampani na ogenesesen husat i save mekim wankain wok long en.

Lukluk bilong dispela faundesen em long givim sans long ol pikinini husat i nogat sans, na long helpim ol pikinini husat i hat tru long kisim save.

Kain progrem tu bai rausim dispela tingting nogut i stap insait long het bilong ol pikinini olsem, husat i gat moni tasol bai i ken go long skul na kisim save.

NOTICE FOR NUMBER CHANGE

The migration process for all **Citifon** and **Fixed Wireless Phone** numbers to 8 digits has started on **27th August** and ends **5th September 2012**.

**Citifon Number
Change to 8 Digit Full Mobile**

Current 7 - Digit	New 8 - Digit
653xxxx	7753xxxx
655xxxx	7755xxxx
657xxxx	7757xxxx
658xxxx	7758xxxx

Do advise your friends & families abroad to dial your number as per below:

Current 7 - Digit	New 8 - Digit
675 653xxxx	+ 675 7753xxxx

**Fixed Wireless Phone Number
Change to 8 Digit Full Mobile**

Current 7 - Digit	New 8 - Digit
34xxxxx	770xxxxx
43xxxxx	771xxxxx
52xxxxx	772xxxxx
650xxxx	7730xxxx
651xxxx	7731xxxx
652xxxx	7732xxxx
654xxxx	7734xxxx
656xxxx	7736xxxx
659xxxx	7739xxxx
94xxxxx	774xxxxx

Current 7 Digit numbers will work parallel with the new 8 Digit numbers for a period of 6 months.

Mobile Banking
Customers registered with mobile banking must inform the bank of their number change immediately.

For more information call our 24/7 Customer Care on:

345 6789

a product of



Wantok Bisnis Indeks

OLGETA FONDE

LOANS

CHECKMATE!!
your Financial worries



the winning move!

moni
Fast, Quick & Easy
Responsible Lending
APPLY NOW!!!

Po Box 1746, Boroko, NCD
Tel: 323 3396 / Fax: 323 3438/3238418
Email: info@moni.com
Mobile: 71923396/71923396/71923396

TRAINING



THE ADVANCE DIPLOMA IN ACCOUNTING

- Upon completion of the Advance Diploma in Accounting, students are eligible to apply for Bachelor Degree in Accounting at the University of Southern Queensland with the exemption of eight (8) units.
- The Certified Practising Accountants of Papua New Guinea (CPA PNG) has recognised the "ADVANCE DIPLOMA IN ACCOUNTING" as an entry qualification to become a Certified Accounting Technician (CAT) of CPA PNG.
- Advance Diploma in Accounting requires the completion of 10 units (five units per semester):
 - Semester 1
 - Financial Accounting
 - Management Accounting
 - Intermediate Auditing
 - Introduction of Economic Principles
 - Elements of Information System
 - Semester 2
 - Corporate Tax
 - Professional ethics
 - Specialized Accounting Practices
 - Quantitative Methods in Business
 - Principles of Management and Marketing

Application is open for **AUGUST INTAKE!**



Entry Requirement:
Diploma in Accounting from ITI or from other Higher Institutions

Contact ITI Marketing Team on:
POM-Ph: 320 2800 ext: 129 / 107 / 104 Fax: 320 0513
mob: 7197 2602 / 7685 0523
Email: enquires@iti.ac.pg Website: www.iti.ac.pg
LAE-Ph: 472 2790 Fax: 472 0199 Email: enquires.itslae@gmail.com



Wantok

Ki Tasol!!

Em nau!
Niuspepa bilong yumi ol PNG stret!!

Nupela **WANTOK BISNIS INDEKS** i kamap insait long niuspepa!

Sapos yu laik etvatais insait long Wantok Bisnis Indeks...

Ringim Samuel Koim long fon 325 2500, email: skoim@wantok.com.pg o feks i kam long 325 2579 long stretim wari bilong yu!



Wantok

Niuspepa Bilong Yumi Ol PNG Stret!

Grinpis sapatim praim minista

NON Gavman Ogenaisesen (NGO) i wok long sevim ol busgraun na ol wara, Greenpeace (Grinpis) i sapatim plen bilong Praim Minista, Peter O'Neill, long strongim wok bilong daunim na rausim korapsen taim em i tok long go hetim ol rekomendesen we Komisin bilong Inkwairi i mekim long Spesel Agrikalsere na Bisnis Lisis (SABL).

Fores kempeina bilong Grinpis, Sam Moko, i tok dispela em i gutpela, na Grinpis i amamas na sapatim plen bilong Praim Minista O'Neill. "Longpela taim tumas, PNG i bin stap aninit long hanlek bilong ol korap wokman bilong gavman na ol politisen. Dispela i min olsem mani we i sapos long go long kisim ol sevis olsem edukesen, helt, ol rot, bris samting

em ol i bin stilim long yusim bilong ol yet. "Bikpela naturel risos bilong dispela kantri em ol i no yusim gut o stilim wantaim nogat gutpela menesmen na loa, na dispela i mekim ol pipel bilong dispela kantri i longlong i stap," Mista Moko i tok. Risets ripot bilong Grinpis ol i kolim "Up for Grabs", we i bin kamaut long sotpela

taim i go pinis i autim rot we ol i bagarapim ol bikbus na ol diwai bilong PNG na dispela i bin kamap olsem pasin i no stret i kamap long ol SABL. Ripot i bin kamap bikos gavman i feil long kisim ol sevis bilong em i go aut long pipel, em i no putim ol rot, bris na ol narapela bikpela samting moa tu. Dispela i mekim pipel long ol ruel eria i tok yesa long ol logging na

agrikalsa kampani husat i yusim dispela kain stap bilong ol pipel long katim ol bus na diwai nating nating. Risets i autim tu olsem ol kampani i save baim ol gavman opisa long mekim ol samting long pulim tingting bilong ol papagraun na sampela long ol i go agensim ol komyuntii bilong ol na givim graun bilong ol long SABL lis inap long 99 krismas. Ripot i soim tu olsem ol dipatmen opisa i no bin givim ol stretpela pablik infomesen long wanem samting i stap long lis, na husat i wok long lisim dispela graun. Ripot i soim olsem taim ol komyuniti i painaut olsem graun bilong ol i stap long lis, ol no bin long kisim ol infomesen long ol gavman dipatmen husat i sapos long wokim dispela.

"Grinpis i welkamim plen long go hetim ol loa long lukautim ol "whistle blower" o man o meri i givim ripot, ol rot long stopim ol gavman dipatmen i no yusim gutpawa, na tu, go hetim loa bilong fridom bilong infomesen. "Grinpis i sapatim gut plen bilong Praim Minista, Peter O'Neill, long strongim wok wantaim sivil sosaiti. "Tru, wantaim luksave long ol SABL, samting long wokim nau em long rausim ligel atoriti long ol kampani we i givim ol rait long go hetim logging na klarim long ol lis eria na stopim ol dispela lis we Komisin ov Inkwairi i bin painaut olsem, ol i no bihainim stretpela rot long kisim ol lis na tu, ol i fosim ol papagraun long kisim ol graun," Mista Moko, i tok.

Why pay 30% PLUS interest rates ?

TISA LOANS

"Designed especially for members financial needs. You can loan for a minimum of K200 to a maximum of K100,000 depending on your savings with an interest rate of 1% per month and repay over a maximum 36 month period."



SERVICE with a SMILE!

12% INTEREST PER ANNUM

36 MONTH REPAYMENT PERIOD



watch your savings grow

Head Office

P.O. Box 319, Waigani, NCD
 Level 1-2, Haus Tisa, Sir John Guise Drive & Kumul Ave
 Papua New Guinea
 Phone: (675) 325 7599 or 300 2200
 Facsimile: (675) 325 7679
 Email: marketing@tsl.org.pg
 Website: www.tsl.org.pg



Not for Profit, Not for Charity, But for Service

Hela, SH medikel sumatin nidim sapat

Aja Alex Potabe i raitim



Presiden Dickson Hiru Olabe, 2011-2012

OL HELA na Sauten Hailans Medikel Sumatin long Yuni- vesiti ov Papua Niugini (UPNG) Skul ov Medisin na Helt Sainses (Medfek) bai holim wanpela bikpela fan- resing bung long mun Sep- temba long Mosbi.

As tingting long dispela bung em long em long pro- motim helti laipstail na sin- daun bilong ol manmeri long dispela kantri.

Long wankain taim, ol bai mekim fan resing tu long mekim mani long wokim fewel pati bilong moa long 20 medikel sumatin bilong Hela na Sauten Hailans Provins husat i nau skul long Medkel Fekalti (Medfek).

Presiden bilong Hela na SH Medikel Sumatin, Dikson Hiru Olabe, i tok long namba 9 de bilong mun Septemba (neks wik Sande), ol sumatin bai holim wanpela bikpela bung long Taurama Kempas yet.

"Mipela singautim olgeta manmeri Hela na Sauten Hailans long kam mekim helt sek. Bai yu tromoi K2 tasol long sekim sapos bodi bilong yu em i stap gut o nogat.

"Ol sumatin bilong Hela na Sauten Hailans yet, sampela hsuat bai kamap dokta na haus sik wok manmeri bai sekim yupla.

"Bi mipela sekim blut pre- sam jeneral helt, suga level, na tit na sampela ol sik yu- pela i gat long en. yupela ol- geta mask am sapatim mipela nieks wik Sande long 3-Mail," Olabe i tok.

Dispela mani ol i kisim long hap bai go long mekim HIV/AIDS awenes long kris- mas. Sampela mani tu bai go long emkim fewel pati bi- long ol sumtin hsuat bai pinis na greduet.

Olsem na Olabe i tok tenkyu long ol lida bilong Hela na Sauten Hailans husat i bin sapatim i taim ol i bin mekim dispela kain bung las yia.

"Mi laik tok tenkyu long Fainens Minista James Marape, loya Alfred Kimbu na ol arapela lida na famili husat i save sapatim mipela. Nau tu mipela i nidim sapat bilong yupela," Olabe i tok.

Em i tok kaikain sik i wok long kilim dai ol manmeri long Hela, Sauten Hailans na arapela hap bilong kantri bikos planti pipel i no save long bihainim gutela laipstail.

"Planti no save kaikai gut- pela kaikai. Ol i no save long bihainim gutpela pasin bi- long stap oltaim oltaim. HIV/AIDS na kainkain pamuk sik (STI) i wok long kilim dai manmeri. Olsem na mani mipela i kisim long dis- pela bung bai go long mekim awenes toktok long sevim pipel na kirapim kantri," Olabe i tok.

Manmeri husat i tingting long helpim ol i ken kolim Olabe long telepon 7186 8798 o Email: dix.olabe@gmail.com. O salim mani i go long BSP- down Town- Port Moresby long Akaun Namba : 1001718211 na Akaun Nem: Southern Highlands Medical Students Associ- ation.



RILEKS: Maski ol i stap long longwe ples namel long bik solwara, ol dispela yangpela bilong Aua Ailan i rileks gut na stori i stap aninit long diwai long naispela waisan nambis.

KAR BILONG SOLWARA: Sip, motobot, dingi na kanu e m ol rot we ol manmeri na pikinini long ol nambis ples na moa yet, ol liklik ailan i save yusim long go long wanpela hap ples i go long narapela long kisim sevis. Hia em ol mama, pikinini na ol man long Aua Ailan, wanpela long ol liklik ailan long westen Manus (Provins) i laik go long narapela ailan i ron long biksolvwara long motobot.

UN amamas long PNG gat moa meri long Palamen

WANTAIM tripela meri memba i stap nau long nupela na namba 9 haus palamen, dispela em i histori long PNG. Planti lain long kantri na ausait tu amamas long dispela samting i kamap long PNG bikos long planti yia pastaim, em i no olsem. Yunaitet Nesens (UN) i wanpela ogenaísesen i autim bikipela tok amamas olsem i gat tripela meri palamen memba bai wok wantaim ol man memba long wokim ol bikipela disisen long kantri. Memba bilong Lae, Loujaya Toni nau i holim wanpela ministeriel posisen olsem Komyuniti Dvelopmen Minista. Narapela tupela em Julie Soso husat nau i holim bikipela posisen olsem Gavana bilong isten Hailans taim narapela em Memba bilong Sohe Open, Delilah Gore.

Taim em i autim tok amamas long gutpela ileksen, man i makim UN long PNG, David Maclachlan-Karr, i tok PNG i bihainim raitpela rot long lukim olsem i gat maus bilong man na meri wantaim long mekim ol loa na ol bikipela disisen long haus palamen. Na em i tok bai gutpela moa tu sapos wankain samting i kamap long ileksen bilong ol Lokol Level Gavman long neks yia, 2013. UN opis long PNG i mekim bikipela wok long lukim olsem i gat "jenda ikwaliti" o long olgeta eria, i mas gat man na meri i stap long wankain level na wok wantaim long kamapim developmen long kantri. Mista Maclachlan-Karr i tok UN bai go het long sapatim jenda ikwaliti na ol meri long PNG.

Save i Ken Helpim

"ARTHRITIS" o pen long ol skru (o ol joint) long bodi em i sik nau ol yangpela na ol liklik pikinini i wok long kisim. Pastaim, ol lapun tasol i save kisim dispela sik, tasol em no olsem nau. Long Australia, 3.1 milian pipel i gat sik atraitis na dispela i groa long 15 pesen long wanpela yia. Ol save kisim ol marasin olsem aspirin, ibufpen na ol narapela moa long daunim dispela sik. Tasol i gat ol naturel marasin i stap we i no nap long kamapim ol narapela hevi taim manmeri i gat dispela sik i kisim. Neks wik, bai yumi toktok moa long dispela.



PNG SUSTAINABLE DEVELOPMENT PROGRAM LTD



Stretim Senitesen long Daru Montfort Praimeri Skul

Tupela yia i go pinis taim mi go long Daru, mi lukim planti kanu tru i lain ap long fran bilong taun. Moa long 1,000 manmeri i bin silip-kirap long ol dispela kanu. I nogat wanpela hap bilong waswas o pekpek i stap klostu. Ol dispela kanu i redi long go na bihain long sampela de, mi harim ol i kisim sik kolera i go wantaim ol. Stori i go bagarap tru. I no long taim yumi harim olsem moa long 300 manmeri i bin dai long sik kolera long Westen Provins. Dispela birua i no nap long kamap. Sapos toilet na gutpela hap bilong waswas i bin stap.

PNGSDP i sapatim Westen Provins long ol liklik projek we ol komyuniti yet insait long provins i redi long sapatim na wok long en. Rot mipela i save bihainim em i no hat: Mipela save sapatim ol komyuniti husait ol yet i go pas long kisim namba wan developmen gol. Wanpela dispela komyuniti em i Daru Montfort Praimeri Skul.

Bipo long sik kolera i bagarapim Daru na Flai, mipela i givim tok orait long helpim dispela skul long stretim ol toilet we i no bin stap inap 20-pela yia olgeta. Em i bin wanpela bilong ol isi isi projek tasol em wanpela komyuniti projek, na mipela i bin wet isi tasol na komyuniti yet i pinisim. Nau, wantaim K172,900 i kam long PNGSDP, dispela projek i pinis. Insait long komyuniti we ol toilet i no planti, nau i gat wanpela skul em inap long lainim ol sumatin bilong en long pasin bilong yusim gut toilet na wasim han.

Long Fraide 24 Ogas, mipela i opim nupela toilet blok. Dispela em i komyuniti projek. Dispela sios ejensi skul, wantaim 468 sumatin na 13 tisa i bin amamas long makim dispela lansim wantaim ol Kiwai danis, na ol tok tenkyu i go long ol manmeri husat i bin helpim.

Dispela skul tu i lukim ol selens i stap long kamapim klipela komyuniti i bai daunim ol sik na tu daunim mani bilong beim hausik na namba bilong sik pikinini. Long taim bilong skul, ol sumatin bai tambu long go daun long mangrov bus, we planti manmeri i save yusim olsem toilet. Dispela skul nau i gat gutpela as long amamas.

Komyuniti i bin askim PNGSDP long luksave long dispela komyuniti projek. Mipela i amamas, na kampani tu em i amamas nogut tru long lukim dispela komyuniti projek i pinis gut tru. Mi tok amamas long dispela skul na Katolik Daosis bilong Daru-Kiunga long kamapim dispela gutpela projek.

I kam long tebol bilong CEO (Article #32 bilong 2012)



CEO: David Sode

Skul sabsidi mani go pinis long ol akaun

OL skul insait long kantri, stat long elementeri i go long Sekonderi na vokesenel, i ken amamas nau bikos ol bai go hetim 2012 skul yia wantaim nogat samting long pasim ol.

Dispela i kamap bikos long las wik Tunde, Edukesen Minista, Paru Aihi, i bin givim K201,470,951.75 long namba tu hap bilong skul sabsidi mani i go long tripela benk bilong stretim na putim long ol bank akaun bilong ol

wan wan skul.

Mista Aihi i bin prisenim K179,715,602 i go long Benk Saut Pasifik (BSP), K10,880,156 i go long Wespek Benk na K10,880,156 na K10,875,193 i go long ANZ Benk, long tilim i go aut long ol wan wan skul ol i holim ol skul akaun bilong ol.

Mista Aihi i tok ol skul i nogat ol benk akaun bai kisim sekmani.

Em i tok bikipela samting e mol skul i mas givim ol ripot

bilong ol long rot ol i yusim mani long en, na ol plen long yusim mani ol i kisim long en.

Long wankain taim tu, ol i mas givim ripot long skul sabsidi we i gat mak long hamas sumatin wanwan skul i gat long en. Ol skul i save karimaut skul sabsidi long mun Mas olgeta yia, bihain long Edukesen Dipatmen i bin statim skul sabsidi tripelas yia i go pinis.

Em i tok ol wan wan skul i mas givim ripot long ol dis-

pela samting, na long pinis bilong mun Septemba, ol ripot i mas stap long Edukesen Dipatmen.

Sapos ol skul i no wokim dispela, em bai mekim hat long ol long kisim ol skul fi sabsidi mani bilong ol long neks yia.

Stat long las wik Fraide, ol woklain long benk i wok long stretim na putim ol mani i go long ol wanwan skul na ol (skul) i ken kisim ol mani long karimaut ol wok.

AUSAID givim sans long ol yangpela helt na edukesen woklain

OL YANGPELA helt na edukesen woka insait long ol rurel eria bilong dispela kantri i gat sans long skruim skul na kwalifikesen bilong ol, na helpim kisim gut helt sevis.

Dispela i kamap bihainim 470 PNG Helt na Edukesen skolasip we Skolasip PNG na AusAID i patna wantaim na givim aut bilong neks yia, 2013. Ol lain i winim ol dispela skolasip bai go skul long ol wan wan institusen long kantri we ol i luksave pinis long ol.

Opis bilong Skolasip PNG i tok ol skolasip i bilong 5-pela helt na edukesen progrem eria bai stat long neks yia. Dispela em long Basela bilong Mid Wiferi, Basela o Diploma long Nasing, Komyuniti Helt Woka Setifiket na Basela bilong Edukesen (Sekonderi).

Bosman bilong AusAID Ed o helpim progrem long PNG, Stuart Schaefer i tok Australia na PNG i gat gol long kamapim gut helt na edukesen long PNG, na dispela i karamapim tu mak bilong ol kwaliti helt woka na tisa.

Pasifik Edventis Yunivesiti (PAU) bai kisim ol dispela i wokim Basela ov Nasing progrem, taim ol

dispela i wokim diploma kos bai go long Yunivesiti ov PNG, Luteran Nasing Skul, Goroka, Sen Mary's, Mendi, Sen Barnabas, Lae na Nazarin Skul ov Nasing.

Ol lain bilong kisim setifiket progrem long Komyuniti Helt Woka bai skul long Sen Gerard's Kubuna, Raihu, Rumginae, Lemakot, Salamo, Tinsley, Sen Margaret's Braun, Kumin, Onamuga na Gaubin Trening skuls.

PAU na Yunivesiti ov Goroka bai kisim ol dispela i wokim Basela bilong Edukesen (Sekonderi).

Skolasip PNG opis i tok taget bilong ole m ol yangpela helt woka long ol rurel haus sik, helt senta na etpos bilong kantri na bihain long kisim trening, ol bai go bek wok long ol komyuniti bilong ol.

Husat lain i gat laik long ol dispela skolasip i ken putim aplikesen bilong ol pastaim long Ogas 31, 2012, de e mol aplikesen bai pas.

Ol i ken yusim 2013 PNG Helt na Edukesen Skolasip Aplikesen fom. Ol i ken ringim tu PNG Skolasip opis long telepon namba 3211766 o websait www.scholarships.org.pg

Balob Tisa Koles sumatin mekim praktikal long Astrolabe Be

James Kila i raitim



Ol sumatin bilong Balob Tisa Koles wantaim wasman bilong ol long Male skul maket. Foto: James Kila

OL SUMATIN tisa treini bilong Balob Tisa Koles long Lae, Morobe provins i wok long mekim ol prektikal tising bilong ol long ol skul insait long Astrolabe Be eria long Raikos distrik long Madang provins.

Ol tisa koles sumatin husat i mekim praktikal bilong ol long Male Praimeri skul i statim skul wanpela wik bihain long sampela liklik pait namel long ol yut long ples klostu long skul eria.

Tasol dispela pait na hevi i pinis na olgeta samting i orait gen, na ol sumatin bilong Balob i go insait pinis long klasrum long mekim ol praktikal tising bilong ol.

Wanpela pasto o man husat i lukautim ol sumatin bilong Balob i tok olsem ol viles komyuniti arere long

Male viles i givim tok-orait na tu i laik ol sumatin i go het long wokim skul wok na i tokaut tu olsem nogat trabel

bai kamap. Olsem na ol sumatin bilong Balob Tisa Koles i ken go het na mekim praktikal bilong ol.

Insait long Astrolabe Be LLG, ol Balob Tisa Koles sumatin i mekim praktikal tisa wok long Male, Yanglam na Bongu praimer skul.

Praktikal Tising em wanpela bikipela hap bilong givim strong long ol sumatin tisa long save long wok bilong skulim ol sumatin na tu long sanap na givim skul na save long rit na rait long ol pikinini.

Dispela tisa koles praktikal bilong ol sumatin bilong Balob i bihainim tok-orait namel long Madang Tisa Koles na Balob long larim ol sumatin i go mekim praktikal tising bilong ol.

Gavman mas sapatim skul bilong ol liklik pikinini

LAINIM na skul bilong ol liklik pikinini i bikipela samting we gavman bilong kantri bilong yumi, na yumi pipel tu, i mas sapatim.

Long las wik, PNG Edukesen Edvokesi Netwok (PEAN) i karimaut wanpela wik awenes long mekim pablik insait long kantri i luksave olsem lukautim na lainim skul bilong ol liklik pikinini kris-mas bilong ol i stap aninit long 5-pela yia i bikipela samting we yumi olgeta i mas sapatim.

Sampela koporet o ol bikipela kampani in sait long Mosbi siti i kamaut na sapatim dispela awenes kempen i wok long kamap long dispela wik.

Brian Bell Kampani i wanpela long ol dispela bikipela kampani we i givim

pinis wanpela bokis Tisiot na ol het bilong PEAN long yusim long kempen i wok long kamap nau.

Komyuniti Rilesens Menesa bilong Brian Bell kampani, Bill Neill, i tok kampani i amamas long sapatim PEAN wantaim bikipela wok em i mekim.

"Brian Bell i amamas long sapatim PEAN long dispela wok long wanem, skulim ol pikinini husat bai go hetim kantri long bihain taim ol i liklik yet bai helpim long daunim planti ol hevi yumi bungim tude," Mista Neill, i tok.

Eksekutiv Dairekta bilong PEAN, Priscilla Kare, i tok skul bilong lukautim na lainim ol liklik pikinini i bikipela samting na i moa yet long ol dispela we krismas i stap namel

long 0 inap long 5-pela yia bikos tingting bilong ol i save develop hariap stret.

Mis Kare i tok wanpela risets i soim olsem ekspiriens bilong ol liklik pikinini long lukim, harim, tasim, testim na ssmelim i kontribut long lainim na bilip sistem bilong ol. Na taim ol inap long 7-pela krismas, ol i setim pinis bilip sistem na rot ol bai bihainim long laip bilong ol. "Yumi mas luksave olsem taim pikinini i liklik yet, em i gat tingting pinis na em i ken mekim disisen pinis tu," Mis Kare i tok.

Long wankain taim tu, BOC Gas long dispela wik i bin givim sapat long PEAN na awenes wik em i karimaut taim em i givim tupela silinda bilong Helium ges. Ol priskul pikinini insait

long ol skul long Nesenel Kapitel Distrik bai yusim dispela ges long lusim ol balun olsem stetmen i go long gavman long tingim na putim skul bilong ol pikinini aninit long 5-pela krismas aninit long fomol edukesen sistem.

Mis Kare i tok long wok wantaim ol lain i givim sevis, ol non gavman oge-naisesen na ol koporet kampani olsem BOC Ges na Brian Bell, PEAN i gat bilip oilsem em bai mekim ol lain long atoriti olsem em i bikipela samting long go hetim polisi long skul na lainim bilong ol liklik pikinini na tu, givim luksave long ol "Early Child Care & Education"ogenaísesen na wok ol i mekim long developim ol pikinini na kantri.



BOC GES SAPOTIM: Ol pikinini i holim ol balun i gat ol toktok long gavman i sapatim skul bilong ol liklik pikinini. Foto: Lorraine Siraba

Ogas 26 bai wanpela pablik holide long kantri

Ogas 26 bai stap olsem Nesenel Prea de na pablik holide long dispela kantri.

Deputi Praim Minista, Leo Dion, i tok olsem long tok klia long pablik na ol bisnis komyuniti long dispela de.

Nesenel Eksekutiv Kaunsel i bin tok oraitim Ogas 26 olsem pablik holide na de bilong pre na hapim kaikai.

Long toktok bilong em long Sione Kami Memorial Sios long Mande Ogas 26, Mista Dion em i wanpela de tasol long olgeta manmeri long dispela kantri long pre na skelim na glaim laip na lewa bilong ol.

Long kliarim askim na i no wanbel tingting bilong ol bisnis komyuniti long kantri watpo NEC i putim pablik holide long

dispela de, Mista Dion i tok Bikman (God) i givim planti blesing i kam long dispela kantri, na yumi mas kam wantaim na tok tenkyu long Bikman long ol dispela planti blesing yumi savew gat na yumni kisim.

Mista Dion i tok dispela de we NEC i mekim olsem pablik holide na de bilong pre na

hapim kaikai bai stap, maski ol kain toktok agensim i kamap.

"Dispela de bai stap olsem pablik holide olgeta yia na mi askim ol sios lida, ol lida long ol provins olsem yumi mas ogenaisim yumi yet long bildim prea haus long ples. Bai mi kisim dispela toktok i go long praim minista," Mista Dion i tok.

Stet i mas toktok wantaim bikpela kristen bodi

STET i mas toktok wantaim PNG Kaunsel ov Sios (PNGCC) na Evanjelikal Alaiens we i makim maus bilong planti ol narapela Kristen komyuniti sapos em i luksave long wok bilong Kristieniti long PNG.

Katolik Asbisop bilong Hagen Asdaosis, Asbisop Douglas W Young, i tok.

Em i wokim dispela toktok bihainim Stet i luksave long Ogas 26 olsem wanpela nesenel holide na de bilong pre na tok sori long ol pasin i no stret wan wan man long dispela kantri i

wokim long en.

Bisop Douglas i autim tingting bilong em na i wanpela long ol lain husat i kwestenim dispela holide planti i no bin klia gut long en.

"Tinting bilong mi i go wantaim ol lain we i wokim komplem long putim nesenel holide long dispela de. Em sapos long kamap olsem De bilong Tok Sori, Hapim Kaikai na Pre, tasol em i hat long lukim na inapim De bilong Tok Sori long peim ol woklain.

"Ol lain husat i wokim

sakrifais em ol papa bilong ol kampani, ol bikpela sios husat i mas painim mani long baim ol woklain bilong ol long i no wokim wanpela samting long dispela de. Ol narapela i kisim hevi em ol skul sumatin long ol skul bilong yumi husat i no skul gut long taim bilong ileksen na nau ol i laik mekim sampel skul wok, na ol narapela lain husat i save kisim ol sevis," Asbisop Young i tok.

"Sapos Stet i laik givim luksave long wok bilong Kristieniti long PNG antap

long ol Kristen holide i stap pinis olsem Krismas, Ista na Nesenel de bilong Prea i save kamap wantaim Independens holide, em i mas toktok wantaim ol arapela Kristen komyuniti i stap aninit long PNGCC na Evanjelikal Alaiens.

"Ol sios i stap olsem hap bilong PNG sosaiti long moa long 100 krismas na i moabeta ol i givim edvais long dispela samting, na i no dispela nupela na liklik grup muvmen i kamap nau tasol," Asbisop Douglas i tok.



Noken Pret

SAMPELA taim yumi no luksave sapos yumi pinisim de bilong yumi i pulap long wari na pret. Yumi pret, sapos yumi i no mekim gutpela long ai bilong bos, na yumi no mekim gut long tes, o long wokim intevyu long kisim nupela wok. Yumi wari long laip bilong yumi o laip bilong pikinini bihain taim. I gat planti moa wari na pret, yumi save bungim long laip bilong yumi. Tasol wanem mining bilong wari na pret? Bilong wanem yumi mas wari na pret? Yumi pret long wanem samting?

"**Noken pret**", em i tok bilong Ensel Gabriel taim em i bringim tok i go long Maria. Planti taim Jisas i tokim yumi; "**Noken pret**", bikos i nogat wanpela pisin i pundaun long skai long laik bilong God. God i save gut tru hamas gras i stap long het bilong yumi. Bipo yumi autim prea bilong yumi, Em i save pinis wanem kain nid yumi gat long en. Velyu long yumi olsem manmeri i winim velyu bilong pisin.

God i gat plen long yumi wan wan taim yumi stap long bel bilong mama yet. Olsem na "**Noken pret**". Sapos yumi ridim Baibel gut, yumi bai painim 366 tok "**Noken pret**" i stap long Baibel. Em i min olsem yumi noken wari na noken pret long wanpela yia (366 de).

Tingim gut! Han bilong God i gat bikpela na strongpela pawa stret, inap long mekim pipel bilong Israel i lusim lji na kamap fri. King David i kamap fri long ol birua bilong em, olsem na em i amamas tru long apim God. Wantaim 5-pela liklik ston tasol, liklik David inap long kilim bikpela na longpela na strongpela man Goliat bilong Gat. Long dispela David i mekim lain bilong Gat, husat i save bagarapim lain bilong David i pilim sem nogut tru.

Jisas i opim han bilong em antap long diwai kros na wantaim 5-pela sua bilong em, Jisas i mekim manmeri i kamap fri long sin na indai i save bosim manmeri. Olsem na, **NOKEN PRET!**

Jisas, em i God na man tru, em tu i gat "**pret pasin**" taim em i bungim indai i bilong em i kamap klostu. Wantaim pret, Jisas i prea: "**Papa bilong mi, sapos inap, mi laik bai yu rausim dispela kap long mi**" (Mt. 26:39). Jisas i save olsem em i mas karim olgeta hevi bilong sin bilong yumi. Olsem na em i mas dring kap bilong **pen na sin**, long mekim yumi i kamap fri na seif. Em i mekim wanpela disisen long givim olgeta samting long han bilong God papa, na em i tok: "**Tasol yu noken bihainim laik bilong mi. Nogat. Yu mas bihainim laik bilong yu tasol**" (Mt; 26: 39)

Yumi mas lainim na kisim save long Jisas sapos yumi i gat wari o pret pasin. Ofaim olgeta wari na pret bilong yumi i go long Papa i stap long heven. Yumi noken pret long ol man inap long kilim bodi bilong yumi. Nogat. Yumi mas pret long God i gat pawa long kilim bodi na sol bilong yumi.

Olsem na yumi mas **pret long God tasol** na soim rispek bilong yumi long lo bilong em i stap pinis insait long Sios na komyuniti bilong yumi. Sapos yumi soim rispek long lo bilong em. Long dispela we yumi soim **LAIK** bilong yumi i go long God.

Stat long tude, wantaim nupela lait, gutpela taim na amamas, yumi **stopim pasin bilong PRET** insait long laip bilong yumi. Bikos God i no laik larim yumi yet i stap. Em i stap moa klostu long yumi. Em i save long yumi orait na yumi yet i save long yumi.

Olsem na **NOKEN PRET!**



Poto 1 : GO LONG LOTU na Poto 2: KAM BEK LONG LOTU: Long tupela poto hia, yumi lukim ol lain insait long liklik ailan komyuniti long Aua Ailan, Manus, i go na i kam long lotu. Maski i gat bikpela komyuniti o i stap longwe long bikpela maunten, ol liklik ailan o long ol bikples, ol pipel i luksave long Bikpela na go lotu long Sande na long Sabat De.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Pasifik Forum bai toktok long pis na solwara

Ol solwara bilong Pasifik i save lukautim laip na sindaun bilong olgeta pipal bilong Pasifik.

Ol dispela solwara i bikpela samting tru long wanem em i stap olsem wanpla bris em i save konektim ol ailan na mekim ol i stap olsem wanpela famili.

Olsem na bikpela miting bilong ol Pasifik Ailan lida forum em i go het nau long Cook Islands bai lukluk na toktok long ol solwara na ol pis insait long solwara. Planti kantri long wol i save mangalim ol solwara bilong Pasifik long wanem, em i pulap tru long pis. Tasol ol pipal bilong Pasifik i save ting wanem long ol dispela solwara bilong ol.

Pacific Forum miting bai stat tude Olgeta het bilong stet na ol gavman lida bilong 15- pela Pasifik Island kantri i stap nau long Cook Islands bilong stap long Pasifik Forum miting em bai stat tude

Olgeta lida bilong rijen wantaim tu Praim Minista Julia Gillard bilong Australia i stap long dispela miting. Praim Minista bilong Solomon Ailan, Gordon Darcy Lilo, bai no nap stap long dispela miting long wanem, ol i tok i gat sampela hevi long lidasip bilong en. Sekreteri bilong Stet long Amerika, Hillary Clinton, bai stap tu long dispela miting.

Sampela i tok olsem stap bilong Amerika long miting ya em i bilong soim Saina olsem Amerika tu i gat namba long P a s i f i k . Dokta Tarcisius Tara Kabutaulaka, em i politikal ikonomis long Senta long Pasifik Ailans Stadis, long Yunivesiti bilong Hawai'i na Caroline Tiriman i bin askim em long wokabout bilong Mrs Clinton i go long Forum.

Australian main long PNG i op gen

OL ripot i kam long PNG i tok olsem bikpela Gol main kampani bilong Australia, Newcrest, i statim pinis gen ol wok bilong en bihainim ol toktok wantaim ol asples papa graun..

Ol bin pasim ol wok long main long Lihir Main bihainim ol toktok kros wantaim ol lain blong ples. Newcrest Mine nau i wok long lukluk ken long ol tok pret long wokbung wantaim ol papa graun oa benefits pack-a g e . Sampela long ol dispela benefit i karamapim wok bilong kompensesen, na tu wok bilong kirapim ol wok kamap oa developman long helpim ol asples pipel.

Ol Wes Papua tok Australia i helpim Indonesia long kilim ol

WANPLELA lain Indonesia soldia em Australia i save givim trening long ol long daunim ol pasin teroris nau i wok long kilim ol Wes Papua independens sapota.

Dispela lain em ol i save kolim long Detachment 88, i save kisim trening na kisim ol armi saplai bilong ol na ol narapela bikpela helpim i kam long Australian Federal Polis.

Tasol nau i gat ol samting oa evidens i soim stret olsem dispela lain i save paitim nogut na kamapim ol kain kain bikpela bagarap long ol pipal bilong Wes Papua.

Planti taim tu, ol dispela lain i save kilim ol Papuan lain long wanem, Indonesia i laikim bai em i stopim ol Wes Papua pipal long kisim independens.

ABC 7.30 ripot i bin askim Federel Polis bilong Australian long dispela toktok na ol i bin bekim wantaim dispela stori bilong ol- - ridim stori long daunbilo.

ABC niusman, Hayden Cooper na Lisa Main i bin go insait long Wes Papua olsem tupela turis na bungim ol pipal husat i bin tokim ol olsem ol helpim Australia i save givim i go long Indonesia long stopim ol teroris pasin nau ol dispela soldia i wok long yusim long kilim ol sapota bilong independens long Wes Papua.

Long Jun 14, wanpela strongpela sapota na lida bilong independens Mako Tabuni, i bin kisim bikpela bagarap taim ol polis i bin sutim em long gan long Jayapura, biktaun bilong Wes Papua.

Ol man husat i bin kilim Mista Tabuni, em ol memba bilong dispela lain Detachment 88, em ol i bin kirapim bihainim ol bom pairap we i bin kilim planti pipal tru long Bali.

Long mun Disemba 2010, dispela lain bilong Detachment 88 i bin kilim tu narapela Wes Papuan independens ektivis, Kelly Kwalik.

Mista Kwalik i bin lida bilong Free Papua Movement (OPM), wanpela grup we i save kamapim bagarap long ol soldia bilong Indonesia na tu ol sivilian.

Na dai bilong Mista Tabuni long han bilong ol memba bilong Detachment 88, i bin mekim Australian gavman i wari, na em i bin salim ol Australian gavman opisa long Jakarta long go na toktok wantaim gavman bilong Indonesian long Ogass 7.

Na gavman bilong Australian i tok em i askim gavman bilong Indonesia long mekim ol wok painimaut long ol pasin bilong brukim ol human rait bilong ol Wes Papua pipal.

Foren Afeas Minista, Bob Carr, i tok olsem em i no save

sapos ol dispela ripot i tru, tasol em i tok em bin toktok pinis wantaim wanwok bilong em bilong Indonesia, Marty Natalegawa, long dispela wari.

Planti PNG pipal i no laikim maining aninit long sol- wara

LONG PNG, ol strongpela tingting agensim ol wok maining aninit long ol solwara nau i wok long go bikpela.

Nautilus maining kampani, bilong Canada i go pas long en i gat laik long go het wantaim plan bilong em long statim nambawan "deep sea mining" long ol solwara bilong Niugini Ailans rijen. Planti pipal long ol ples insait long ol provins bilong Is Nu Briten na Nu Ailan i no laikim dispela maining long kamap long ol solwara bilong ol. Alois Balar bilong Baining Environmental Heritage Foundations i tokim Caroline Tiriman olsem sapos dispela main i go het, em i bagarapim tru kalsa na ol environmen bilong ol pipal long ol dispela hap.

Australian gavman i mas stopim nupela asailum loa

Australian Greens pati i mekim pinis bikpela askim i go long gavman long lus tingting long salim ol asailum sika i go long ol asailum proseing senta long PNG and Nauru.

Australia nau i wok long red long opim ken ol ditensen senta long Nauru na Papua New Guinea Manus provins bihain long palamen i bin oraitim ol nupela asailum loa long wik i go pinis.

Gavman i no tokaut yet long wanem kain mani tru bai ol i yusim long kirapim gen ol dispela ditensan senta, tasol em i tok olsem bai em i no nap kisim mani em i save givim i go long ol narapla kantri oa foren eid.

Greens seneta, Lee

Rhiannon, i tok olsem maski sapos ol asples pipal long dispela tupela kantri bai painim wok long ol dispela senta, baset bilong Australia i no bilong dispela.

Ol asailam sika i no laik kaikai

IMIGRESEN dipatmen i tok olsem klostu 100 ol asailum sika nau i no save kaikai bihain long ol i bin tokim ol olsem bai ol i salim ol i go long Nauru o i go long Manus Ailan.

Ol Imigresen opisa i tok, samting olsem 700 asailum sika husat i bin kamap long ol bot bihain long palamen i bin oraitim ol nupela asailum sika loa, nau i save pinis olsem Australia inap salim ol i go long ol narapla kantri.

Australia nau i ken go long PNG Manus provins

GAVMAN bilong PNG i oraitim pinis dispela askim bilong Australia long em i opim ken asailum proseing senta long Manus provins.

Praim Minista Peter O'Neill, i bin tokaut pastaim olsem bin sapatim dispela askim bilong Australia, tasol nau kabinet i givim pinis tok orait bilong en tru tru long dispela askim bilong Australia.

Minista bilong foren afeas bilong PNG, Rimbink Pato, i tok olsem kabinet i bin painim mani em bai ol i yusim long ronim dispela senta bai kam aninit long wanpela nupela kain helpim yet em Australia bai givim PNG. Em i tok dispea helpim oa aid, bai narakain long \$490-million-dollar aid progrem em Australia i save givim nau long PNG. Mr Pato i bin tokim Pasifik Beat olsem Manus provinsal gavman bai stap tu long ol toktok long dispela nupela pekej oa wok helpim em Gavman bilong Australian i laik givim long PNG.

Pacific BEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



MARIWANA PLENTESEN... Poto i soim bikpela mariwana plentesen long kantri Uruguay long Saut Amerika. Gavman bilong Uruguay i pasim wampela bil pinis long Congress long larim gavman bai planim mariwana na salim long ol manmeri long smuk. Presiden Jose Mujica i tok dispela bai daunim ol hevi na nogut samting mariwana i save kamapim long Uruguay.

Mariwana bagarapim PNG

MARIWANA o spak-brus em i wampela samting wok long bagarapim kantri bilong yumi PNG. Wok bilong ol polisman em long sekim ol manmeri husat i planim, salim na smukim mariwana.

Tasol sampela polisman long Mosbi i save kisim ol mariwana bek i kam olsem long Hailans na Goilala, na givim gen long sampela manmeri long salim gen.

Dispela kain pasin em i kamap bikpela stret long kantri tasol gavman i ting kantri i ron gut tasol.

Planti ol yanpela manmeri inap long go skul o mekim gutpela wok taim ol strong yet, i wok long kamap olsem long long, na stap nating long strit taim mariwana i paulim tingting bilong ol.

Bipo pasin bilong smukim mariwana em i save kamap long hait ples tasol. ol man bilong smukim mariwana i save hait gut tru na kisim taim.

Tasol nau, ol manmeri wantaim i wok long smukim mariwana i stap long olgeta hap. Ol i smukim mariwana



olsem nomol smuk.

Dispela i soim oslem kantri i nogat wampela strongpela loa long daunim pasin bilong smukim mariwana.

Ol mangi o wok long smukim mariwana na ol i wok long stil, repim ol meri, kamapim ol poket pik pasin, na mekim ol samting nambaut nambaut olsem ol long long man.

Sampela ol i smukim mariwana go go na het bilong ol i long long pinis. PNG i gat planti mariwana haf sens, husat i nau karim kaogo long strit na long long i stap.

Tasol gavman i no mekim wampela strongpela samting long larim ol manmeri i pret long dispela na lusim pasin bilong salim, smukim na planim mariwana.

Ol manmeri long ples i planim mariwana yet. Antap

long Hailans, sapos wampela man o meri i mekim gaden long wampela nupela graun we bipo ol i no bin planim kaikai, orait dispela em i gutpela graun tru long planim mariwana wantaim ol kaikai tu.

Long Goilala, ol mama long hap i save kisim mariwana ka long maket wantaim ol arapela gaden kaikai tu. Ol i save ting mariwana tu em i wampela gaden kaikai tu bikos ol yet i save planim.

Ol ripot i tok planti ol man Hailans i wok long kisim mariwana i go daun long Westen Provins na ol save senisim wantaim gan, katres, mani na ol arapela samting.

Dispela em ol sampela samting mariwana i wok long mekim insait long kantri. Sapos gavman i kamapim wampela strongpela loa stret, orait i luk olsem pasin bilong bagarapim kantri wantaim mariwana bai stop.

Sapos gavman i pasim ai o em i save tasol em i no bisi long stretim dispela, nogat wampela man bai stopim. Bipo ol manmeri i save harim toktok bilong ol lapum man-

meri na ol pasto o wokman bilong God, tasol nau nogat wampela manmeri bai harim tok.

Sapos gavman i no mekim wampela gutpela samting, pasin bilong smukim mariwana bai bagarapim olgeta skul pikinini husat i save smuk.

Het bilong ol bai bagarap na planti bai kamap longlong long strit. Ol bai nonap mekim wampela gutpela samting long dispela kantri tasol ol bai tingting long bagarapim dispela kantri.

Ol mariwana bodi bai apim loa na oda asua long kantri, ol bai mekim moa stil pasin, repim planti meri, stilim planti samting na kilim planti man.

Dispela kain pasin i laik kamap long PNG na em i wok long sta isi isi. Sapos gavman i ting dispela em i liklik samting na givim baksait long en, PNG bai kisim bikpela taim stret.

Gavman i mas mekim sampela samting long rausim mariwana long PNG, na mekim PNG kamap wampela gutpela kantri insait long wol.

WANTOK KOMENTRI

MRA i gat ai o nogat?

Papua Niugini em i wampela liklik ailan bilong gol i stap antap long solwara bilong wel. Dispela em i wampela strongpela toktok Sir Julius Chan i bin mekim taim em i bin stap praim minista bilong dispela kantri sampela taim i go pinis.

Sir Julius i no bin abrus bikos bihain long yia 2000, PNG i bin lukim planti maining projek i bin kamap. Yumi Porgera, Ok Tedi, Lihir, Hidden Veli, Simberi, Sinivit, na Tolukuma.

Ol dispela em ol gol, kopa na silva projek i kamap pinis long en. Sampela bilong ol em i wol klas gol na kopa maining.

Nau bai yumi gat Ramu Nickel Projek, Frieda River kopa projek, Woodlark, Wafi-Golfu, Solwara 1, na Maun Kare. Panguna maining i pas yet.

Ol dispela projek i isi kamap stap. I no long taim PNG bai gat moa long 15 o 16-pela maining projek.

Mineral Risos Atoriti (MRA) i lukautim dispela olgeta maining projek. MRA em i kam aninit long Maining Dipatmen.

Tasol olsem wanem na MRA i wok long givim maining laisens nating nating long ol maining kampani?

Kain kampani olsem Nautilus Minerals, husat i laik operetim namba wan maining projek long solwara long wol, Solwara 1 Projek, i nogat wampela ekspiriens long operetim dispela kain maining projek.

Nautilus Minerals i stap long Toronto Stok Eksens long painim mani long rausim dispela hai kwaliti risos bilong yumi.

Mipela lainim pinis gutpela lesan long Misima Gol maining. Nau dispela maining i pas pinis na ol yangpela manmeri bilong Misima i no moa kisim ben-

efit long dispela maining.

Olsem wanem na MRA i givim maining laisens long larim Solwara 1 projek i go het. Mipela i no save sapos MRA i gat ai long lukim olsem planti bilong ol dispela maining kampani i nogat bikpela operesen bilong ol long sampela hap long wol.

Tasol ol i laik statim multi-bilian-dola maining bisnis bilong ol long hia. Hia long PNG, olgeta samting em i isi long ol i groim bisnis bilong ol.

MRA i gat ai long lukim dispela o nogat? MRA no laik givim sans long kampani bilong PNG yet, olsem Petromin PNG Holdings long larim ol i operetim planti bilong ol dispela maining projek.

I luk olsem MRA i wok long mekim sampela dil baksait long tebol wantaim ol dispela foren kampani. Gavman i noken larim ol wokman bilong PNG Semba ov Mains na Petroleum i kamap bot memba bilong MRA.

Bikos semba i makim maus bilong ol maining kampani, ol dispela bot memba bai nonap mekim stretpela wok bikos ol bot memba yet i gat kampani bilong ol husat i gat maining projek long hia.

I gat 9-pela bot memba bilong MRA i stap. 4-pela bilong ol i kam long semba, we ol i makim maus bilong ol maining kampani.

Dispela em olsem dok i lukautim haus kakaruk. Gavman i mas senisim ol loa bilong MRA, na noken larim wampela bot memba bilong MRA i kam long semba.

O'Neill-Dion gavman mas mekim dispela hariap pastaim long olgeta gol, kopa, silva na ol arapela mineral risos bilong kantri i pinis wan raun tasol.

WANTOK
 Published Weekly, Thursday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
 Pe bilong wampela yia
 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 15%. The Company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Mama kamap papa tu

WANTOK Niuspepa potograba Nicky Bernard i stori long mama bilong em taim tupela papa bilong em i bruk marit na mama bilong em kamap olsem papa na mama bilong em na ol brata susu bilong em taim ol liklik yet.

Mi gat 8-pela krismas na liklik brata bilong mi, Michael, gat 7-pela krismas taim mipela i lusim Rabaul na go bek long Manus.

Mama bilong mi i bin marit nambawan taim long Nu Ailan. Em gat 4-pela pikinini long nambawan marit bilong em. Taim namba wan papa i lusim em (mama bilongmi) mama i gat save pinis long mekim ol liklik wok olsem, somapim klos, bekim kek na skon na sampela hen krap we em lainim taim em yang-pela skul meri na wanpela wait meri bilong kiap i save lainim em.

Dispela helpim em liklik long lukautim 4-pela bikpela brata susa bilong mi taim ol stap yet long ples.

Mama bilong mi i bungim wanpela Wes Sepik man bilong Aitape taim em kam wok long Manus na mama bilong mi kisim em olsem man bilong em. Mi kamap olsem nambawan pikinini bilong dispela man Aitape, na bihain liklik brata bilong mi Michael.

Aitape papa kisim mipela go long Rabaul taim em kisim wok long hap long Kokonas Prodak Limited (C.P.L.) Em kisim mipela olgeta pikinini bilong nambawan papa tu wantaim. Dispela taim nau, mipela olgeta i yusim nem bilong papa Aitape man long wanem em putim ol long skul. Nambawan brata tasol i yusim nem bilong papa Kavaieng long wanem, em stap wantaim liklik susa bilong mama.

Mi gat 8-pela krismas na liklik brata bilong Michael gat 7-pela krismas taim papa Aitape i lusim mama gen. Mama i kisim mipela na mipela go bek long Manus. Laki tru mama i salim tupela bikpela susa go pas long Manus long go skul. Mi liklik brata Michael na bikpela brata Tony i tasol stap wantaim mama na dispela i mekim isi long mama long kisim tiket na mipela i go long Manus.

Mama i putim mipela olgeta long skul long Manus. Na dispela taim ol skul fi i daunbilo liklik olsem na mama i save painim isi long baim skul fi taim em salim ol skon, liklik klos em mekim na ol sampela liklik maket gen long strongim mipela 6-pela pikinini bilong em.

Nambawan brata i pinisim skul bilong em na em go stap long Rabaul. Na bihain go long Arawa long wok bilong em olsem benk opisa bilong Wespek. Dispela i helpim mama liklik long em bai no inap long hat wok long painim skul fi.

Mama nau kamap olsem papa na mama wantaim. Olgeta avinun em bai putim

kaikai bilong mipela long tebol na em save tokim mipela wanem kain kaikai em i painim na kukim mipela i mas noken kros long wanem, mipela i nogat papa.

Mi na ol brata susa bilong mi i save wanbel tasol. Mipela i save olsem em tasol i wok long hatwok long mipela olsem papa na mama.

Olgeta skul fi bilong mipela long komyuniti skul i go long hai skul, turagu mama yet i save baim. Em i save haitim gut tru ol mani bilong em, em save skelim skul fi bilong mipela na kauntim mipela olgeta, na bihain em bai bungim liklik profit long market bilong em na em bai haitim.

Mama tu i kamap olsem presiden bilong ol meri long Lorengau taun. Em i statim dispela liklik grup bilong ol mama na ol i save lainim ol long somap, kuk, mekim hen krap na planti moa. Dispela liklik grup em i statim go bikpela na ol kolim long Lorengau Womens Klab.

Dispela wok bilong em i mekim nem bilong em i go bikpela. Em i lainim planti meri liklik long Manus, na dispela liklik meri klab i go bikpela. Nau ol senisim go long Pih Manu na Nahau Rooney go pas long em.

Mama bilong mi i malolo taim mipela olgeta i pinisim skul. Mi kam raun long Mosbi long lukim bikpela brata bilong mi Tony. Em kamap polis man na go wok long Lae, Madang na kam bek long Mosbi, Na mi raun kam lukim em taim mi pinisim skul bilong mi.

Mi stap wantaim bikpela brata inap mi painim wok wantaim dispela niuspepa. Bikpela brata Tony i lusim laip bilong em klostu 3-pela yia nau. Dispela brata na mi i holim wok na stap aut long Manus. Olgeta brata susa i stap long Manus wantaim mama tasol namba tu susa i lusim laip bilong em long dispela yia.

Dispela i mekim lapun mama bilong mi i wara long tupela pikinini bilong em, na dispela sik bilong ol lapun i stap long em i mekim em tu i lusim laip bilong em long nambawan wik bilong las mun.

Liklik pikinini man bilong mi i save kolim bubu meri bilong em 'Besti' na em bin gat sans long go lukim Besti bubu bilong em taim bikpela susu bilong mi i dai na mi tupela go long Manus. Dispela taim em i las long Besti bilong em long lukim bubu meri bilong em.

Mi go bek long ples long Manus long lusim bodi bilong kandere bilong mi husat i kam stap wantaim mi long



TRUPELA MAMA: Maria Elu Annmarie N'Draiwok, taim em kam raun long Mosbi long lukim mi na bikpela brata Tony Bernard. Mama bilong mi sindaun wantaim bikpela pikinini meri bilong mi na tu nem sek bilong em, Annmarie Kimberly Monica Bernard long Tasion Bareks long Pot Mosbi.



MARIA ELU ANNMARIE: Dispela poto mi kisim taim mi go long ples long lusim dai bodi bilong brata bilong em (mama bilong mi) long Manus. Dispela poto tu em laspela long mi kisim na tu lukim em na stap wantaim em. Mama sindaun wantaim liklik tumbuna meri bilong em long haus krai bilong brata bilong em.

Mosbi long stretim pepa bilong pinis pe bilong em taim em wok wantaim long Manus Provinsal Gavman. Tasol dispela pepa kisim 4-pela yia olgeta inap em lusim laip bilong em tu long dispela yia.

Taim mi kisim bodi bilong brata bilong mama i go long Manus, mi lukim mama i no

moa strong olsem mi tupela Besti bilong em i bin go lukim em. Skin na lukluk bilong em i daun na dispela i kisim tingting bilong mi olsem em bai no inap winim dispela yia.

Mi kam wok wanpela mun tasol na bihain, mi go bek long Manus na kisim bodi bi-

long mama go long liklik ples bilong mipela long Not Kos Powat, long graun bilong mipela long Indrim.


Mi nau gat tupela brata na tupela susa i stap long ples. Mama tu gat planti ol lukaut pikinini bilong em. Long taim em i dai olgeta tumbuna bilong em i karim kofin bilong

em. Mama gat 24 tumbuna bilong em na 8-pela tumbuna na tumbuna bilong em.

Mama bilong mi i gat liklik susa bilong em husat i marit long Tolai na stap long Rabaul longpela taim na liklik las bon brata bilong em husat save lukautim ples na stap.



Raun wantaim Kanage olgeta wik



Mi save gat bikpela pret long kilaut i pairap.



Dia Laipain

MI klostu gat 40 krismas, mi wok tasol mi no marit yet. Mi bikpela man pinis, tasol mi gat wanpela hevi na wari, na dispela em taim kilaut i save pairap. Taim kilaut i pairap, bikpela pret pasin stret i save kisim mi.

Mi bilip olsem dispela i no nomol bikos long ples bilong mi, mi wanpela tasol i save mekim olsem. Olsem na taim kilaut i pairap, mi save ron i go insait long rum, putim pilo o matres antap long mi, na mi save pasim yau wantaim ol pinga bilong mi.

Mi tokim mi yet olsem bai mi stretim dispela hevi, tasol nogat ya. Mi save mekim sem samting na i wari long wanem, mi laik mekim samting long helpim mi yet lusim dispela pret pasin, tasol em i no wok.

Depressed

Dia Pren,

Tenkyu long serim hevi na wari bilong yu wantaim Laipain. Samting i kamap long yu i save kamap tu long planti narapela manmeri. Pren, i gat planti as watpo pipel i save mekim ol samting long we ol i mekim taim sampela samting i kamap long ol.

Samting yu ekspiriensim em ol i kolim "PHOBIA" long Tok Inglis.

Mining bilong en em dispela. Bikpela pret stret long samting we yu gat kliapela save long em. Dispela pret yu gat long en i bagarapim nomol we yu stap na mekim ol samting long en. Tru, dispela piling bilong bikpela pret i no nomol, ol lain i gat dispela kain pret i save laik abrusim as we pret i kam long en. Pret pasin yu gat o kondisen bilong yu i pondaun long tupela level. Wanpela em long ASTRO PHOBIA, em pret long "lightning" o lait i save kamap taim kilaut i pairap na namba tu, BRONTO PHOBIA, em pret long tanda o pairap bilong kilaut.

Ol risets i soim olsem i nogat kliapela samting o as long man i save gat phobia o pret nogut tru long sampela samting. Tasol em i ken kamap long ol kombain samting olsem samting i stap long famili, fisikel o sosel.

Pren, mipela i hop olsem infomesen ya long ol kondisen we phobia i kamap mipela i givim yu bai helpim yu luksave long situesen bilong yu na watpo yu wok long gat dispela samting.

Yu gat sampela famili o hauslain pastaim long yu i save gat dispela kain kondisen? Sapos i gat, as long yu gat dispela kondisen em i stap long blut o famili. Sampela taim tu, dispela i ken kamap bikos long we kru bilong yu i wok.

Kru bilong yu i save wok long kaikai yu save givim long en. Na long kes bilong yu, yu save givim pret olsem kaikai na dispela i save kamap taim kilaut i pairap.

Tingim pren, ol 5-pela "senses" bilong yu i save pilim ol samting i save kamap klostu na raunim yu. Taim yu harim kilaut i pairap na lait i kamap, ol senses bilong yu i salim toktok i go long kru na kru i save tanim mesej o toktok long nomol o i no nomol rot. Yu biahainim rot long pret na "panic" o pret nogut tru na taim yu wok long groa i go i go, dispela samting i kamap olsem nomol long yu, tasol em i no nomol.

Sampela taim, em i hevi long yu tingting planti na insait bilong yu bai gat hevi long ol yet. i gat bilip tu olsem taim papamama i strik long ol pikinini bilong ol, ol i save pretim sampela samting na tu, ol ples. Ol i nogat strong long sampela samting i save kamap long laip, stap na sindaun bilong ol long olgeta de.

Hia em ol sampela samting yu ken mekim long tritim hevi yu gat long en:

Saiko na bihevia terapi we bai yu kisim save long hevi o sik yu gat long en. I moabeta yu kisim sampela buk long dispela sik o samting na ritim. I gat sampela CD long ol dispela samting na i moabeta yu go long wanpela buksop o stoa i save salim ol.

Sampela eksasais bai helpim tingting bilong yu i gutpela moa long marasin na ol saiko ektiv drag o marasin bai helpim yu long sotpela taim long pret pasin yu gat long en. Yu ken baim ol dispela long kemis.

Taim yu bungim ol infomesen long stretim hevi yu gat long en, yum as salensim ol tingting o bilip yu gat i save kamapim dispela pret pasin. Ritim ol samting i sut long hevi na mekim samting long helpim yu daunim hevi ya. Kisim ol muvi i gat kilaut i pairap na sindaun wantaim famili na lukim we bai bildim strong long fesim hevi.

Tingting bilong yumi i save biahainim samting yumi bilip long en, na samting yumi mekim. Taim tingting bilong yu i pulap long pret long kilaut i pairap, em i progrem pinis long tingting bilong yu, na samting bai yu mekim. Long narapela we, yu fomim pinis bilip sistem i no nomol, tasol bikos em i hap olsem laip bilong yu nau, em i nau nomol long mekim olsem yu mekim nau. Ol tingting i no nomol i mekim yu wari long wanem, yu lukim olsem i nogat we aut.

Olsem mipela i tok pinis, i gat nit long yu salensim ol pret tingting yu gat long en long kilaut i pairap.

Askim yu yet, samting yu mekim i helpim helt sait bilong yu? Bai kisim sampela taim long lainim ol nupela samting tasol yu no inap lainim ol nupela samting sapos yu no mekim samting long traim.

I moabeta yu go lukim wanpela speselis dokta long Pot Mosbi Jenerel Haus sik.

God i ken givim yu bel isi Pren bilong yu, Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori. Laipain

NEM: Berthlyn Huaffe

KRISMAS: 16(Meri)

ADRES: Passam Primary School, P.O. Box 521, Wewak East Sepik Provins

SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel.

NEM: Jimmy N. Nimms

KRISMAS: 19 (man)

ADRES: Kilipau village, P. O. Box 56, Vanimo Sandaun Provins

SAVE LAIKIM: Raitim pas, ritim buk, harim musik, ring long fon na senisim presen.

NEM: Rodney Wauku

KRISMAS: 25 (man)

ADRES: C/- Andrew Api Vanimo CIS, PO Box 124, Vanimo Sandaun Provins

SAVE LAIKIM: Harim musik, pilai soka, watsim TV, swiming na painim stori.

NEM: Jason Sull

KRISMAS: 40 (Man)

ADRES: P.O. Box 248, Madang - Madang Provins

SAVE LAIKIM: Ritim Niuspepa, harim musik, kukim kaikai, wasim klos, wokabout, trevol go kam long bisnis insait long PNG na painim poromeri long stap wantaim oltaim. Yu ken ring long dispela namba, 7272 2843.

NEM: Jimmy Ekoda

KRISMAS: 20 (man)

ADRES: Sangara Vocational School, P O Box 170, Popondetta, Oro Provins

SAVE LAIKIM: Go lotu, pilai soka, pilai volibal, painim wanpela meri long maritim na stap wantaim oltaim.

NEM: Joe .K

KRISMAS: 24 (man)

ADRES: P O Box 1289, Goroka, EHP - 7360 3650

SAVE LAIKIM: Go lotu, pilai musik singim song, pilai spots, mekim pren na planti moa.

NEM: Gima Target

KRISMAS: 20 (meri)

ADRES: Bugandi Secondary School, PO Box 1225, Lae Morobe Provins

SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News).

NEM: Presley Tai

KRISMAS: 20 (Man)

ADRES: PO Box 28, Mondomil Minj, Jiwaka Provins

SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope

KRISMAS: 19

ADRES: Don Bosco Araimiri Secondary, PO Box 159, Kerema Gulf Provins

SAVE LAIKIM: Ritim buks, pilai gems, go lotu long Sande, mekim pani wantaim poroman.

NEM: Bunau Dadis

KRISMAS: 31 (man)

ADRES: Raibus Security Service Ltd, PO Box 1337, Madang, Madang Provins - 7146 7257

SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Digicel Star 3 pulim planti long Alotau

Nicky Bernard i raitim

PLANTI ol yangpela manmeri long Alotau i bin pasim Alotau International Hotel long go insait long

resis bilong Digicel Star 3. Maski liklik ren i kamap tasol dispela i no stopim ol yangpela husat i laik traim long singsing long dispela bikpela resis bilong Digicel Star.

Dispela em i namba

wan resis bilong Digicel Star 3 i kam long Sarere namba 18 de bilong mun Ogas long Alotau, na insait long dispela resis 7-pela manmeri i mekim go insait long narapela raun.

Long wiken i go pinis

em i namba 2 raun na dispela bin kam long Goroka Bird of Paradise Hotel we givim sans long Hailans lain long soim kala bilong ol.

Skowhegan klab long Kokopo bai holim bilong

ol long dispela wiken. Sapos rot i orait, planti lain long Niugini Ailan bai traim go long Kokopo long resis long singsing na long traim kisim wangepa spes long narapela raun.



STEPHANIE GAWI: em wangepa bilong ol wina long Alotau i kisim Gold ticket bilong em. Poto i kam long Digicel Opis

EMTV Television Guide

Table with columns for time, channel, and program name. Includes sections for FONDE 30 OGAS, 2012, FRAIDE 31 OGAS, 2012, and SARAREE 1 SEPT, 2012.

TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traime long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani?

Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

A	T	R	I	T	H	E	T	Y	:	F	S	I	A	S	L	A				
4	J	L	S	M	V	A	L	W	L	Y	C	L	J	L						
L	S	E	S	L	A	L	E	I	W	L	Y	C	L	J	L					
I	T	F	A	K	E	F	L	Y	A	X	A	X	4	1						
I	T	F	A	K	E	F	L	Y	A	X	A	X	4	1						
5	:	:	U	L	:	:	C	S	K	E	L	C	L	I	7	4				
A	C	T	U	L	:	:	V	J	P	C	Z	A	C	V	1	5				
A	T	Y	O	J	:	:	W	A	T	C	F	C	T	F	P	5				
L	I	:	L	J	A	:	M	A	S	:	L	:	L	L	K	6				
1	T	L	:	H	I	:	K	V	H	E	T	H	E	T	5	6				
5	A	L	:	S	:	:	C	E	W	:	T	E	B	O	E	6				
5	J	O	:	D	:	:	V	I	K	W	E	:	I	W	I	6				
I	Y	E	:	H	:	:	L	:	H	:	P	:	Y	4	L	5				
I	T	:	A	:	L	:	H	:	O	:	S	:	A	L	A	5				
T	:	:	A	:	A	:	T	:	I	:	F	:	H	T	:	7	6			
W	J	E	:	A	:	:	J	:	N	:	E	:	D	:	A	:	L	5	A	
A	L	:	:	L	:	U	:	O	:	I	:	E	:	A	:	H	:	L	5	A

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2	4	9	6	1	5	
3			8			
8	1			4	9	
7		1	4		3	9
	3		9		2	
9	6		3	2		1
	2	7			3	6
			7		1	
3	6		1	4	8	

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

T	A	R	A	B	A	U	B	I	L	O	N	G	N	A	I	T				
				S																
K				E				K	U	M	U	L			P					
A				K	A	L	A	N	G	A	R				I					
K				A										S						
A				K	O	K	O	M	O			S	I		K					
R				T							A	N		K	O					
G	U	R	I	A	A			R						A	K					
K							R	G						P	V	I				
							A						P	I	P	I				
							P	A	T	O	L	G		B	B	V				
I							O	E				A	A		I	B				
A							K	P						U	L					
N							T	T					K	A	K	A	T	U		K
A							O	I							S					A
K							A													
W							S	U	B	G	N	O	L	I	B	L	U	A	P	

Ansa bilong las wik Pasol

EMTV Television Guide

6:30 PM	G DIGICEL STARS 3 Ep#2	4:00 PM	THE SHAK	11:20 - 12:00	GRADE 8 SCIENCE	TRINDE 29 OGAS, 2012	5:57 PM	G CRIME STOPPERS	
7:30 PM	G 60 MINUTES	4:30 PM	KITCHEN WHIZ	12:00 AM	G AUSTRALIAN NETWORK		6:00 PM	G EMTV NEWS REPLAY	
8:30 PM	G Chit Chat - Rpt...	5:00 PM	PGR AUSTRALIA FUNNIEST	1 PM - 3 PM	G C/BROADCASTS continues.....	4.45 AM	G AUSTRALIA NETWORK	7:00 PM	G THE WORLD AROUND US - TBA
8:35 PM	PGR MR & MRS SMITH	5:30 PM	G TRAPPED #10	1:00 - 1:40	GRADE 6 MATHEMATICS	5:00 AM	G JOYCE MEYER	8:00 PM	PGR PENN & TELLER - FOOL US -
10:30 PM	G HILLSONG Rpt....	5:57 PM	G CRIME STOPPERS	1:50 - 2:30	GRADE 6 SCIENCE	5:30 AM	G TODAY	9:00 PM	PGR LEGENDS OF THE SEEKER -
11:00 PM	G EMTV NEWS - Replay	6:00 PM	G NATIONAL EMTV NEWS	2:30 - 3:00	DEPI	9:00 AM	G CLASSROOM BROADCAST	9:57 PM	G EMTV TOKSAVE
		7:00 PM	G NRL ROUND #25	3:00 PM	G KIDS KONA	9:00 - 9:40	GRADE 7 MATHEMATICS	10:00 PM	G NRL ROUND #25/26 HIGH LIGHTS
		9:00 PM	G TOK PIKSA		3:00 PM DORA THE EXPLORER	9:50 - 10:30	GRADE 7 SCIENCE		
		9:30 PM	G SPORTS SCENE		3:30 PM NEW MACDONALD'S FARM	10:40 - 11:15	GRADE 8 MATHEMATICS		
		9:57 PM	G EMTV TOKSAVE		4:00 PM THE SHAK	11:20 - 12:00	GRADE 8 SCIENCE	11:00 PM	G EMTV NEWS REPLAY....
		10:00 PM	G EMTV NEWS REPLAY		4:30 PM KITCHEN WHIZ	12:00 PM	G AUSTRALIA NETWORK		
		11:00 PM	AUSTRALIA NETWORK		PGR AUSTRALIA FUNNIEST	1 PM - 3 PM	G C/BROADCASTS continues.....		
				5:00 PM	G TRAPPED #11	1:00 - 1:40	GRADE 6 MATHEMATICS		
				5:30 PM	G NATIONAL EMTV NEWS	1:50 - 2:30	GRADE 6 SCIENCE		
				6:00 PM	G HAUS & HOME #20	2:30 - 3:00	DEPI		
				7:00 PM	G BUSINESS PNG EP#13/16	3:00 PM	G KIDS KONA		
				7:30 PM	PGR TERRA NOVA S1 - Ep# 3/13	3:00 PM DORA THE EXPLORER	3:00 PM	DORA THE EXPLORER	
				8:00 PM	PGR LEGENDS OF THE SEEKER S2	3:30 PM NEW MACDONALD'S FARM	3:30 PM	NEW MACDONALD'S FARM	
				9:00 PM	PGR HAUNTED HOMES	4:00 PM THE SHAK	4:00 PM	THE SHAK	
				10:00 PM	G EMTV NEWS REPLAY	4:30 PM MR. MAKER	4:30 PM	MR. MAKER	
				11:00 PM	G AUSTRALIA NETWORK	PGR AUSTRALIA FUNNIEST	5:00 PM	AUSTRALIA FUNNIEST	
				12:00 AM	G	G TRAPPED #12	5:30 PM	TRAPPED #12	

Program bai senis long taim bilong en..

Maru: LNG Projek bai nonap senisim kantri

Aja Alex Potabe i raitim

PNG LNG Project em i wanpela bikipela petroleum projek insait long kantri, we planti manmeri i ting dispela projek bai bringim moa senis o gutpela samting i kam insait long kantri.

Planti ol memba, ol lida man, ol man nating na ol save man tu i wok long apim nem bilong dispela projek, tasol Minista bilong Trade, Komes na Indastri, Ricahrd Maru, i no bilip long LNG Projek olsem wanpela gutpela samting long senisim dispela kantri.

Maru, husat i Membra bilong Yangorru-Saussia, i autim dispela toktok long Gren Papua Hotel taim em yet, na Minista bilong Foren Afes na Imagresen, Rimbink Pato, i bungim ol ambaseda na hai komisina bilong wanwan kantri i kam long PNG na toktok wantaim ol las wik Fonde.

"Agrimen bilong dispela projek i no bin kamap gut na na olgeta samting bilong dispela projek i no kamap gut. Ol bai rausim olgeta samting i go aut long kantri, na yumi bai nonap long kisim wanpela samting," Maru i tok.

Em i tok bihain long 30 o 40 yias taim, ol pikinini bilong yumi bai kaikai pipia, na raun nating bikos ol bai nonap gat wanpela gutpela samting long lukautim sindaun bilong ol.

"Gavman i wok long toktok planti long LNG Projek tasol. Ol i ting LNG Projek bai nonap pinis wanpela taim. Taim LNG Projek i stop, yumi nogat ol sevis indastri long larim ol LNG teknikel wok manmeri i go het wantaim wok bilong ol long hap.

"Yumi nogat daun strim indastri prosesi samting long hia. Sapos ol dispela indastri i no stap long kantri, ol pikinini bilong yumi bihain bai stap olsem wanem. Husat bai givim kaikai lon ol? Sapos gavman i no inves long ol sevis indastri insait long kantri yet, mi wari nogu tru bikos ol pikinini bilong yumi tumora bai kisim bikipela taim stret," Maru i tok.

Maru i tok PNG gavman i save long long taim yumi save baim ol bulmakau bilong Australia na sipsip bilong Nu Silan taim yumi yet i gat gutpela graun long lukautim dispela tupela enimol, na saplaim i go aut long ol arapela kantri.

"Yumi inap long planim rais tu. Olsem wanem na yumi wok long baim rais bilong Australia tasol? Gavman i mas gat strongpela industrial plen long kirapim ol bikipela indastri insait long kantri bikos taim LNG na ol maining indastri i pinis, sevis indastri em i wanpela indastri we em bai nonap pinis long en," Maru i tok.

Maru i salensim gavman long lukluk gut i go insait long turisim, agrikalsa, edukesen na ol daun strim prosesi



SAINIM: Bipo Prais Minista Sir Michael Somare i sainim PNG LNG Projek wantaim Menesing Dairekta bilong Esso Highlands Limited, Peter Graham long yia 2008.



LNG PLENT...Poto i siom ol wokman na masin i mekim LNG Plent long mekim rifaineri bilong tanim ges i go long wara na salim i go long Saina, Japan na Taiwan. Poto: Esso Highlands Ltd

samting bikos dispela em ol samting we ol i ken sapotim laip bilong ol pipel inapim planti yia.

Tasol LNG Projek na maining projek bai pas wanpela taim bikos wel, ges, kopa, na gol i save pinis. Ol sevis indastri bai nonap pinis bikos maus na has bilong manmeri i op yet.

"Yumi gat gutpela graun long PNG. Long Westen Hailans, Waghi Veli, Hela Veli, Sepik pleins. Ol dispela ples i gat gutpela graun stret long planim kainkain kaikai, lukautim kainkain enimol, na mekim moa bisnis long sevis indastri," Maru i tok.

Australia i bin giamanin PNG, olsem graun long hia em i no gutpela long planim rais. Tasol nau ol lokol fama i

planim rais i stap long Morobe, Madang, na planti hap long hailans tu.

Graun long Mosbi em i drai tasol taim em i save lukim wara, ol kaikai save groa narapela kain stret tumas.

Tasol nau olgeta manmeri i lus tingting pinis long wok agrikalsa. Ol i bisi long LNG Projek tasol. Ol i ting LNG projek bai senisim dispela kantri, tasol long lukluk bilong Maru, husat i wanpela save-man wantaim bikipela ekspirens long bisnis na benk, dispela projek bai nonap kirapim dispela kantri.

Wanpela save meri long Yunivesiti ov PNG (UPNG), Hajare Mathew, i tok agrimen bilong PNG LNG Projek em i bin wanpela wansait agrimen stret, we kampani yet i bin

mekim na karim i kam long ol papagraun na gavman opisal bai sainim tasol.

Mathew, husat i mekim risets wok i go insait long ol benefit o ol gutpela samting kantri bai kisim long PNG LNG Projek, i tok wok painimaut bilong en i bin soim sampela kain nogut mak, we PNG bai nonap kisim wanpela gutpela samting long dispela projek.

"Dispela agrimen i bin wanpela agrimen stret. Ol papagraun bai nonap long kisim bikipela benefit bikos gavman i sainim pinis LNG Agrimen mekim kampani i kisim risos i go aut long kantri," Mathew i tok.

Em i tok wanpela nogut samting gavman i bin wansait long LNG Projek em

long sait bilong kisim gavman takis mani.

"Sapos wanpela sip i karim kago bilong PNG LNG Projek i kam insiat long kantri, Intenel Revenu Komisn (IRC) bai nonap kisim wanpela takis mani long en. Long ol arapela kampani i stap insait long kantri, ol i ken sasim gavman takis mani, tasol bilong PNG LNG Projek, em nogat. Gavman bai nonap sasim," Mathew i tok.

Em i tok kampani bilong PNG husat i gat sea long dispela projek em long mak 19.6% sea tasol na dispela em i liklik mani mak long larim yumi yet papa bilong samting stret i kisim benefit.

"MRDC, Petromin, na IPBC i bung na gat dispela

19.6 pesen sea insait long projek. Em ol kampani bilong PNG yet, na ol inap long baim bikipela sea, moa long 20 o 30 pesen," Mathew i tok.

Tasol ol PNG kampani yet i bain liklik sea, na larim ol foren kampani olsem Exxon Mobil, Oil Search, Santos, na JX Nippon Oil & Gas Exploration long baim ol bikipela sea insait.

Ol gavman lida i wok long tok dispela agrimen bilong projek i bin kamap long 2-kilok biknait, na planti bilong ol manmeri long kantri i no save wanem samting i stap insait long dispela agrimen.

Bipo gavman bilong Somare i bin sainim dispela projek. Ol gavman lida i go pas long kamapim dispela projek em ol Arthur Somare, Anderson Agiru, William Duma, na ol arapela minista.

Tasol Esso Highlands Limited (EHL), wanpela haus bisnis bilong Exxon Mobil, na biknem kampani husat i makim maus bilong ol arapela projek patna, i tok ol wok long mekim planti gutpela samting long ol komyuniti.

Kwatali Sosel na Environment Ripot na LNG Toktok i wok long soim ol gutpela samting ol wok long mekim long Hides, Kikori, na Papa Lealea eria. Ol dispela ples em ol projek impek eria (PIA).

EHL wok long helpim ol mama long lainim ol nupela samting olsem samapim klos, salim ol i go long kainkain trening, na helpim ol long wok agrikalsa.

EHL i wok long salim ol yangpela manmeri PNG tu i go skul long Kenada, Australia na Amerika tu. Ol i wok long helpim gavman stretim Hailans Haiwe, na helpim ol arapela gavman dipatmen long sampla helpim ol i nidim long en.

Tasol EHL em i kampani. As bilong ol kampani long operetim bisnis em long mekim winmani o propit. Olsem na EHL i mas mekim winmani long dispela PNG LNG Projek tu.

Kantri i senis o em i no senis wantaim dispela PNG Projek em i wok bilong gavman long sekim gut na stretim sapos sampela asua i stap long ol agrimen gavman i save holim wantaim ol developa.



RICHARD MARU: Trade Minista



HSE Dipatmen soim Envairomen Riviu bilong Namba tu kwata

HELT, Sefti na Envairomen (HSE) Dipatmen bilong Ramu NiCo i putimaut pinis Envairomen Riviu Ripot bilong en bilong namba tu kwata bilong dispela yia 2012.

Dispela Envairomen Riviu Ripot bilong HSE i karamapim wok ol i mekim long mun Epril i go mun Jun 2012.

Dispela Envairomen Riviu i karamapim Envairomen Permit na Tok-orait we Ramu NiCo kisim long Gavman long karimaut wok bilong en long lukautim gut bus, graun, wara na solwara insait long Ramu Projek

Insait long dispela Riviu Ripot bilong namba tu kwata, HSE lain i givim ripot we i karamapim wok bilong riabilitesen, wanem bilong oil na samting ol i yusim long wok, sedimentesen kontrol na stadi, wara na haidroloji monitoring, fauna sevei, lenfil na Dip Si Teillings Plesmen (DSTP)

Long sait long haidroloji o wara monitoring, HSE Dipatmen bilong Ramu NiCo i kamap gen wantaim tingting long wokim gen tupela waramita stesen program bilong en. Wankain beslain wok samting em ol i yusim long wokim na kamapim gen ol waramita stesen.

Ol HSE woklain bilong Ramu NiCo i helpim konsalten i putim sampela ol masin we i gat karamapim bilong en long kisim ol rekot bilong wara level, na tu i gat ol karamap bilong dispela ol masin tu i stap long wan wan ol wara-mita stesen ol i wokim pinis. Dispela bai stap olsem sekuriti na daunim pasin bilong stilim ol masin i stap long hap.

Narapela wok dispela konsalten Ninkama Yoba en Asosiet i kamapim em long kisim rekot na kwaliti bilong wara long ol riva o liklik wara olsem Banu na Gag, Anangri krik, Banu na Gagaywa riva.

Bikpela as-tingting bilong Strim Profailing em long kamapim ol ples long sekim



Jennifer na Dickson bilong Ramu NiCo is stretim gauge station



Ol environment saintist is makim level bilong riva

gut wanem hevi i ken kamap long kwaliti bilong wara sapos wok maining i kamap long eria. Em bai kisim tu kwaliti bilong wara i go aut pastaim tru na long bihain na tu wanem ol wara nogut i kamaut long main na hamas wara i go aut.

Insait long namba tu kwata ripot bilong HSE long Envairomen Riviu ol i toktok

moa tu long Operesenel Envairomental Menesmen Plen (OEMP) na wanem as-tingting bilong OEMP, ol envairomental program bilong Ramu NiCo na tu 20-pela Sab-plen bilong OEMP

HSE Dipatmen i tokaut tu long pinis bilong o sevei em wanpela kampani bilong Australia ol i kolim Hydrobiology Kampani i kamapim

long pinis bilong las yia long KBK Main na long ol han wara bilong Ramu Riva na tu long sampela eria long Basamuk. Dispela ol sevei o wok painimaut em i bihainim wok long glasim na skelim ol ples we i stap insait long Operesenel Envairomen Monitoring Program (OEMP) na i bihainim wanem program i stap.

As tingting bilong karimaut stadi na wok painimaut long ol fres wara fis na ol samting i stap insait long en olsem fis, kindam na ol liklik diwai na ol gras em long sekim sapos i gat ol samting olsem ain i stap insait long en. Long dispela em wok bilong kisim rekot o mak bilong save gut wanem enimol i stap long dispela eria na mekim dis-

pela hap olsem ples bilong ol.

Narapela samting we ol HSE Dipatmen bilong Ramu NiCo i painimaut insait long akuatik sevei bilong ol long ol liklik han wara long Ramu Riva i soim olsem ol pis we ol didiman i bringim i go long hap i wok long kilim indai ol pis we i stap bipo na tu i daunim namba bilong ol.

Dispela stadi we HSE Dipatmen bilong Ramu NiCo i kamapim em olgeta infomesen ol i wok bung wantaim Hydrobiology Kampani bilong Australia.

Dispela ripot bihain long wok bilong kampani bilong Australia i go long indipenden lain em long Australia Laboratori Sevises (ALS). Na kwaliti kontrol ripot bilong ALS i soim olsem pipia bilong ain long ol han wara bilong Ramu i daunbilo tru na aninit long mak long givim hevi o sik long sait long helt bilong ol pipel.

Dispela ripot i lukluk tu long on-sait menesmen program we i go het tru insait long taim bilong givim ripot. Ol wok HSE Dipatmen i kamapim em ol wok bilong banisim na stretim gut graun long ol ples we bagarap i noken kamap long rot olsem KBK Main eria na tu long sait long gutpela lukaut bilong bus, graun, wara na solwara.

Olgeta ripot bilong Envairomen Riviu bilong HSE Dipatmen bilong Ramu NiCo em ol i save givim i go long Dipatmen ov Envairomen na Konsevesen.

Olsem na wanem kain kain toktok bilong sait bilong envairomen, husat lain i mekim ol i mas save gut tu olsem wok bilong envairomen we Ramu NiCo i wok long mekim em i bihainim OEMP we Ramu NiCo i givim i go long DEC. Olsem na ol lain stekholda na tu ol non-gavman oge-naysesen na tu ol lain long komiseniti husat ol save bihainim ol NGO i mas noken mekim kain kain giaman tok-tok na traime bagarapim wok



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komuniti

Kot mas mekim-save long lain bagarapim kes-krop

James Kila i raitim

OL KOT insait long Papua Niugini i mas kamapim wanpela strongpela loa long mekim-save long ol lain husat i bagarapim kes-krop bilong ol arapela lain taim i gat kros-pait o hevi i kamap.

Dispela em bikos ol kes-krop olsem kofi, kakao, na kokonas i save bringim mani long helpim sindaun na laip bilong ol famili na manmeri long ples, na em i no gutpela pasin tru long bagarapim ol dispela samting.

Na em i no gutpela stret long ol arapela i belhat tasol na katim daun ol kes-kros bilong ol arapela lain bai i gat hevi namel long ol man. Ol diwai o kes-krop i no bringim kros-pait, na ol i save katim ol.

Ol kes-krop i save kisim longpela taim tru long groim, lukautim na bihain ol i save karim kaikai. Tasol long taim bilong kros o pait, ol birua i save kisim sotpela taim tasol long katim daun ol dispela kes-krop, na dispela i save kisim bikipela bel-pen na wari tru long papa bilong kes-krop.

Wanpela sinia trening opisa bilong Komyuniti Afes Dipatmen bilong Ramu NiCo, Aldam Bande, i bin mekim dispela toktok bihain long sampela lain i bin katim ol kakao diwai bilong wanpela fama long Male viles long Astrolabe Be eria long Raikos distrik sampela wik i go pinis.

Wanpela strongpela kakao fama bilong Male viles, nem bilong em Yangoring Panda, i bin lusim sampela kakao

diwai bihain long sampela yangpela man i bin kros na katim daun.

Dispela hevi i bin kamap sampela wik i go pinis bihain long pait i bin kamap namel long ol sumatin bilong Male praimeri skul na ol lokal yut.

Bihain long dispela hevi ol lokal yut i ron karim busnaip na go katim ol kakao diwai bilong turangu dispela fama, husat i bin hatwok tru long planim, na lukautim i go inap dispela diwai i karim frut bilong en.

Dispela pait long Male long las tupela wik i go pinis i bin stopim tu ol sumatin bilong Balob Tisa Koles, husat i mekim praktikol bilong ol long hap long go long klas.

Bihain long wanpela wik taim hevi i stop i lukim ol i go bek long klas long mekim praktikol bilong ol.

Ol lokol komyuniti na skul bod tu i tok olsem sefti bilong ol sumatin em orait olsem na ol i ken go bek long skul.

Mista Bande i tok olsem insait long PNG, i gat dispela pasin nogut i stap we, ol lain i save laik bringim hevi long ol narapela lain, na i save katim daun ol kes krop bilong ol na bagarapim gaden kaikai, na tu ol arapela samting bilong ol taim i gat pait o hevi i kamap.

Insait long Hailans Rijen long PNG, i gat dispela kain pasin nogut tru i stap, we long taim bilong kros pait ol lain bilong narapela traib o wan-pisin i save go bagarapim kes-krop bilong ol arapela lain.

Long hailans ol i save katim kopi diwai, yar na ol narapela samting i gat velu long en.

Long sampela hap bilong



Kakao fama bilong Male, Yangoring Panda, i sanap long lephan (wantaim pepa) na soim kakao diwai bilong em ol sampela lain i katim. Foto: James Kila

nambis, ol i save katim daun ol samting olsem buai tasol na ol plawa diwai arere long haus.

Tasol dispela nau i wok long senis, na i lukim ol lain birua i save makim stret ol

kes krop olsem kakao, na ol narapela samting na katim ol i go daun.

Bande i tok ol kes-krop olsem kopi, kakao, kokonas na ol arapela tu i stap i save givim mani long helpim sin-

daun bilong ol pipel, na femili bilong ol.

Dispela ol kes-krop i save kisim longpela taim tru long groa na karim kaikai, na em i no gutpela pasin long bagarapim ol kain samting

olsem, we i lukautim sindaun bilong ol pipel na femili bilong ol.

Taim yu bagarapim ol dispela samting yu bagarapim bihain-taim o fiutsa laip bilong ol tu.



HELTI KAIKAI...Ol gret 7D sumatin bilong Jomba praimeri skul long Madang i stap long grup na soim kaikai ol yet i kukim.

Jomba sumatin lainim wei bilong kukim helti kaikai

OL GRET seven sumatin bilong Jomba praimeri skul long Madang taun long las wik Fraide i bin amamas tru long stap insait long wanpela lesen bilong ol we i lukim ol i lainim gutpela wei bilong kukim gutpela helti kaikai.

Dispela lesen ol sumatin i stap long en em nutrisen, o gutpela rot long kukim gutpela balens kaikai we i ken strongim bodi na mekim bodi i kamap helti na fit.

Ol tisa bilong ol sumatin i yusim sampela kain asesmen we Jomba skul i givim K10 long wan-wan ol grup sumatin we insait long dispela grup em 4-pela sumatin i stap long en.

Ol sumatin yet tu i

bungim liklik mani ol yet long baim sampela samting, na tu ol i bringim tu ol liklik samting i kam long haus bilong ol, long helpim ol long kukim kaikai long skul.

Papua Niugini em i gat planti ol gutpela helti kaikai, kumu, prut na sayo i stap, na kain skul ol sumatin bilong yumi i laikim taim ol i stap liklik long skul yet i ken helpim pesenol developmen bilong ol long bihain taim.

Ol pikinini, maski em man o meri, i mas lainim kain rot long kukim naispela helti kaikai.

Jomba praimeri skul i soim gutpela rot we ating ol arapela skul long PNG tu i ken mekim wankain.



AUSSIE RUL EKSEN: Gerehu Magpies wantaim Dockers i mekim save long Amini pak long Pot Mosbi. Dockers em i wanpela olpela tim long Pot Mosbi Aussie Rul.



SALIM KAM HARIAP: Spaika bilong Free Way Hoks i kalap go antap long wetim bal long spaikim. Free Way Hoks i winim dispela gren fainol long kisim namba 2 taim Taitol.



YUNIEN: Brothers Ragbi Yunien Klub bilong Pot Mosbi husat i kisim nupela yunifom tasol lus long Wandaras long wiken. *Oi Poto Nicky Bernard*

TOKSAVE: Salim ol spots dro bilong yu kam long Feks; 325 2579, e-mel;nbernard@wantok.com.pg o kam lusim long Wantok Niuspepa opis long Central Waigani, NCD.

Spit na nois bilong kar

FOMULA wan (Formula 1 o F1) resis bilong ol kar em i wanpela bikpela spot bilong ol karlong planti ol kantri long wol.

Ol kar husat i save ron insait long dispela resis tu i spit moa long planti ol arapela kar bilong resis.

Lukluk bilong ol dispela kar tu i no olsem ol kar yumi save lukim olgeta de.

Ol draiva i save kisim bikpela mani na luk-save i kam long ol sponsa na ol sapota bilong dispela gem.

Em i spot we i save pulim planti mani na wokbung bilong kain kain manmeri insait long komyuniti bilong helpim ol wok redi na tu ronim gem yet.

Bikpela wok i save go insait tu long redim na trenim ol draiva na i save kos bikpela mani tu long kamapim na ronim.

Histri bilong gem

F1 resis i no nupela.

Em i bin stap long 1920's na 1930's yet, tasol long dispela taim ol i save kolim olsem gron pri (Grand Prix) we i save kamap long Yurop.

Ol i senisim nem bilong en i go long F1 long 1947, bihain long Wol Woa 2.

Dispela nem, fomula wan, i bihainim ol loa bilong gem we ol i putim long wanem kain ol kar na ol samting insait long kar we ol draiva na tim bilong ol i mas bihainim insait long dispela resis.

Ol F1 kar i spit moa long ol arapela resis kar we spit bilong ol i ken go inap long 360km/h.

Namba wan F1 wol sempionsip i bin kamap long 1950 long Silverstone long United Kingdom.

Giuseppe Farina bilong Itali bin kamap namba wan man long winim dispela resis long Alfa Romeo kar bilong em.

Tasol bihain long em, Juan Manuel Fangio i win long 1951, 1954, 1955, 1956 na 1957.

Em dispela i mekim rekot bilong 5-pela wol sempionsip taitol olgeta na nogat narapela draiva i brukim inap 45 yia olgeta.

Long 2003 Michael Schumacher bilong Jemeni (Germany) i brukim dispela rekot taim em i winim namba 6 wol sempionsip taitol bilong em.

Wol sempionsip i save kamap olgeta yia we ol namba wan resis kar draiva bilong wol i save bungim long salens.

Stail bilong gem

Bikpela samting insait long F1 gem em kar. Olsem mi tok pinis, olF1 kar i no olsem ol arapela resis kar.

Lukluk bilong ol, stail bilong ol, spit bilong ol i narapela kain tru.

Ol dispela kar tu i save gat spes bilong draiva tasol.

I nogat spes bilong narapela pasindia o draiva.

Sampela ol samting we i no stap insait long planti ol arapela kar, i stap insait long ol F1 kar.

Ol i gat ol baten i stap antap long stia bilong kar we bai helpim kar o senisim sampela wok bilong em taim em i ron yet na draiva i presim.

Planti bagarap i save kamap long dispela resis tu olsem i save i gat ol samting insait long kar we bai strongim em long noken bruk hariap o kirap isi taim win i kisim.

Olsem ol arapela kain gem, ol draiva i save werim klos we bai lukautim bodi bilong ol long hat bilong san na paia sapos paia i kirap long kar, na tu helmet bilong karamapim het bilong ol.

Dispela ol helmet i save gat glas long ai bilong ol na tu i gat masin bilong kolim pes na skin bilong draiva.

Han glav i save stap long han bilong ol na gutpela su we bai no inap taitim tumas lek bilong ol insait long kar.

Ol taia bilong dispela ol kar tu i bikpela na strongpela tru na i nogat tub (tube) insait long en.

Dispela i mekim na em bai no inap slek hariap tasol tit bilong en i save pinis na ol wok-

man bilong wanwan tim i save wet tasol long senisim taia bilong en hariap tru namel long resis taim em i kam stop long kem bilong ol.

I save gat ples bilong resis we ol i save mekim olsem rot tru bilong kar.

Tasol ol rot insait long dispela ples bilong resis i gutpela moa na i nogat bagarap long en.

I save gat planti kona na longpela hap bilong en we i save traim save na strong bilong ol draiva long ron i go kam i nap long resis i pinis.

Long win ol i save ron raunim dispela pilai graun inap long namba ol i makim long en.

Husat i pinisim olgeta raun bilong em hariap na i kamap long pinis lain bipo long ol arapela i save win.

F1 long PNG

Em bai longpela taim tru bipo wanpela man o meri ken tingting long kamapim F1 resis long PNG.

Dispela em bilong wanem, ol i mas tingting tu long kos bilong mekim rot bilong resis, kos bilong kisim ol kar i kam, ples bilong ol long stap na trening na tu ples bilong ol sapota na sponsa long sindaun na lukluk long taim bilong pilai.

Em i wanpela bikpela spot tu we i save kamap long TV na dispela em wanpela samting we i mas i gat redi bipo dispela spot i ken kamap long hia.

Tasol i gat planti ol manmeri husat i ken kamap ol gutpela draiva na wokman bilong ol wanwan tim sapos i gat dispela kain spot long hia.

Em i nap long kamapim planti wok tu bilong ol manmeri tu bilong wanem i gat planti samting long mekim long dispela gem.

Tasol, olsem mi tok pinis, em bai longpela taim tru bipo wanpela kain samting i kamap.


Dispela i no min olsem em bai no inap long kamap, em i ken kamap, tasol em bai no inap isi na em bai no inap long kamap tumora tasol.




SPIT: Ol kar i resis insait long F1.




LUKAUT: Planti hevi save kamap insait long resis tu bilong wanem ol kar i spit tumas.




WOL SEMPION: Schumacher i holim rekot olsem man husat i winim moa wol taitol long ol arapela.



TEKNOLOJI: Planti ol samting i stap long stia bilong kar.



KAR: Ol hap hap bilong wanpela F1 kar.



ROT: Wanpela rot bilong resis long Sepang long Malaysia.



SPOTS DRO RAUN 26

Fraide : Ogas 31, 2012



Hunter Stadium

Knights V^s Rabbitohs



Suncorp Stadium

Broncos V^s Panthers



Sarare: Sept 1, 2012



Skilled Park

Titans V^s Sea Eagles



Leichhardt Oval

W/Tigers V^s Storm



ANZ Stadium

Bulldogs V^s Roosters



Sande: Sept 2, 2012



Mt Smart Stadium

Warriors V^s Raiders



Toyota Park

Sharks V^s Cowboys



ANZ Stadium

Eels V^s Dragons



Raun 25 Poin Leda

Pos	Tim	W	L	D	B	+/-	Pts
1.	Bulldogs	17	6	0	2	167	38
2.	Storm	16	7	0	2	198	36
3.	Rabbitohs	15	8	0	2	109	34
4.	Sea Eagles	15	8	0	2	86	34
5.	Cowboys	14	9	0	2	138	32
6.	Sharks	12	10	1	1	18	29
7.	Raiders	12	11	1	2	-11	28
8.	Broncos	11	12	0	2	27	26
9.	W/Tigers	11	12	0	2	-25	26
10.	Titans	10	13	0	2	-20	24
11.	Knights	10	13	0	2	-28	24
12.	Dragons	10	13	0	2	-54	24
13.	Roosters	8	14	0	2	-132	21
14.	Warriors	8	14	1	2	-92	20
15.	Panthers	8	15	0	2	-159	20
16.	Eels	6	17	0	2	-222	16

Marshall fri long go pas long ol Tigers long gem bilong ol namel Melbourne

BENJI Marshall bai go pas long ol Tigers long gem bilong ol namel Melbourne long dispela Sarere nait bihain long ol painim aut olsem takol bilong em long fowod bilong Rooster, Jared Waerea-Hargeaves i bin orait.

Dispela tok klia i kam pastaim long mekim Marshall abrusim dispela saspensen long kisim tim bilong em i go aut long pilai laspela pilai bilong ol.

Sapos ol i mekim strongpela win long Melbourne, dispela bai kisim ol go insait long top 8, sapos Broncos o Raiders i lusim pilai bilong tupela dispela wiken.

Prop bilong Penrith, Sam McKendry, bai pilai long dispela wiken bihain long kot i painim aut long takol em mekim long wiken i go pinis. McKendry bai kisim ples bilong em long pilai agensim Broncos.

Penrith Panthers i nap long putim stop long Brisbane Broncos long pilai long fainol long tok gutbai long wanpela bikpela fowod bilong Broncos, Petero Civoniceva.



Benji Marshall bai go pas long ol Tigers long gem bilong ol namel Melbourne

Broncos senisim beklain bilong ol Ol Sauts i kisim bek Luke long kol

KOSA bilong Brisbane Broncos, Anthony Griffin, bai tingting long senisim beklain bilong tim bilong em long dispela laspela pilai bilong ol namel long Panthers long Fraide nait.

Sapos ol i winim dispela pilai dispela bai lukim ol i stap insait long Fainol na bai gutpela tu long salim bikpela fowod bilong Petero Civoniceva long pilai graun bilong ol yet.

Bihain long pilai long wing longpela taim, Josh Hoffman i wok long tren long pilai fulbek na i lukim olsem em bai kisim namba wan jesi na Corey Norman bai go bek long namba 6 jesi.

Long ol narapela beklain

bai lukim yangpela star, Dale Copley i kam bek long pilai wing bihain long em kisim bagarap.

Brisbane i bin lusim 6-pela pilai bilong ol, tasol namba 7 bilong ol, Peter Wallace, i gat bilip olsem ol bai kam bek strong long dispela pilai wantaim Penrith.

"Long tok tru, mipela i kam aut long pilai graun long 3-pela pilai bilong mipela, olsem mipela win na kam aut long pilai graun" Wallace i tok.

Em tok olsem, ol ken go long we long fainol sapos ol i stretim ol liklik mistek bilong ol na senisim pilai liklik dispela bai lukim Broncos bai senis long fainol.



HUKA: Luke Issac

KOSA bilong Saut Sidni, Michale Maguire, i tok huka, Luke Issac, bai pilai long dispela Fraide long Nu Kasel.

Ol bin rausim Luke long pilai bilong las Sande we Sauts i bin winim Parramatta long sampela hevi i bin kamap ausait na i no long taim bilong pilai, we kosa Maguire i bin gat long pilai bilong em. Tasol ol bin kisim em bek long pilai long tumora we skwat i gat 21 lain i stap long en bai pilai long Hunter Stadium.

Dispela intenesenel pilai bilong Nu Silan i bin stap fit stret long pilai long namba wan hap bilong sisen, pastaim ol bin stopim em long noken pilai long 4-pela gem, bikos em bin wokim denjeres takol long senta bilong Sidni Roosters, Shaun Kenny-Dowall long mun Julai.

Tasol Muguire i bin i bin amamas wantaim strongpela pilai we Nathan Peats i bin pilai wantaim Jesi namba 9 taim Luke i no stap.

Maguire i no bin wet long salim Luke i go bek long pilai long Nu Saut Wels kap las wiken bihain long em i bin brulim kap kefu na i bin stap long kros pait long trening fil wantaim Scot Geddes.

Maski ol i putim em long namba 20 lista long skwat ol bin tokaut long em long dispela wik Tunde, Maguire i tok Luke husat i gat 25 krism, as bai pilai agensim ol Knights.

"Issac i stap long skwat na em bai stap long 17," Maguire i tok aste.

Em i tok Issac i pilai tren gut stret long dispela taim na Maguire i amamas long kisim em bek long tim.

Tasol tru, Maguire i amamas long kisim bek Luke long tim, em i tok Luke i gat bikpela wok long mekim sapos em bai kisim plen bilong Peats long lain ap.

"Mi amamas long pilai bilong Issac long dispela yia," Maguire i tok.

Em i tok ol i gat planti samting i save kamap, na Issac i save bai em i mekim wanem long stap olsem hap bilong tim.

"Mipela i fokas long pefomens na Issac i save pinis long dispela na em i amamas long stap long lainap.

"Tasol Peatsy i pilai gut stret tu na mi laki long gat tupela man long tim. Rot ol samting i go long en, em i putim planti presa long mi na mi no nap lusim em," Maguire i tok.



Kosa bilong Brisbane Broncos, Anthony Griffin

Muruks rausim Vipers

Samuel Peter Koim i raitim

MURUKS i sanap strong tru long toktok bilong ol long pilai Fainols long dispela yia, taim ol i winim Vipers 12-8 long Lae Ragbi Lig Graun long las wik sande.

Fil i bin pulap tru wantaim olgeta sapota bilong Muruks husat ol bin amamas tru taim Muruks i bin winim dispela gem.

Bihain long 20 minit i go insait long fes o nambawan hap, Skipa bilong Muruks, Joseph Omai, i putim wanpela gutpela kik i go long kona we i lukim winga bilong Muruks, Michael Mark i skoa. Dispela i bin lukim skoa i sanap olsem 4-0 taim kik bilong Kewa Kil i no go insait.

Man ov da Mets na fowat bilong Muruks, Roy Kela,

wantaim ol arapela fowat olsem Robert Nandie, Ver Mark na Joseph Omai i bin pilai wantaim strong long karim bal i go fowat na tu, long ol takol.

Dispela i bin lukim ol fowat olsem Sebastine Pandia, Steven Johns, Enoch Mak na Tony Die i bin hat tru long brukim banis bilong ol Muruks.

Bihain long wanpela asua bilong ol Muruks insait long hap bilong ol, Vipers, Israel Eliab i kik na helpim Vipers skoa sanap olsem 4-2. Muruks i bin kam bek strong tru na lukim Wesser Stenza i bin skoa namba tu trai bilong ol Muruks bihain long wanpela gutpela pas i bin kam long Kili.

Kili isi tru i salim kik i go insait long bringim skoa i go antap olsem 10-2. Dispela i mekim Muruks i pilai strong

tru na planti taim Vipers bin pilai insait long fil bilong ol yet.

Long hap taim, Enoch Mak i skoa aninit long gol pos bihain long wanpela gutpela pas i bin kam long Sebulon Ragi. Kika Israel i bin isi tru salim kik i go insait we i bringim skoa i go antap 10-8.

Tasol klostu long pul taim, wanpela asua bilong Vipers i lukim Kili i kik i go insait long karim skoa i sanap olsem 12-8. Vipers i bin strong tru na go insait long sait bilong ol Muruks, tasol bal i no bin pas gut long han bilong ol pilaia bilong wanem graun i mekim.

Kosa bilong Vipers, Shane Morris, Menesmen na olgeta pilaia i bin bel kros nogut tru bilong wanem, fil i no bin gutpela. Vipers i aut long dispela yia long Digicel Kap Sisen.



KLIA: Man op Da Mets na fowat bilong Mendi Muruks Roy Tarra Kela i traim long burukim difens bilong vipers winga Toby Paga Kopi.

Mioks na Muruks Bai Pilai Semi-Fainols

Samuel Peter Koim i raitim

DISPELA wik Sande bai lukim husat tim stret bai pilai wantaim Rabaul Gurias long Gren Fainols. Mioks na Muruks i gat bigpela birua namel long tupela yet.

Long wik i go pinis, Mioks i bin winim Muruks long Wabag taim tupela tim pilai long Wabag. Muruks bin go bek long Lae na winim Vipers long pilai wantaim Mioks gen. Tasol nau bai dispela gem i kamap long

Mosbi.

"Dispela gem long Wabag em win bilong mipela tasol mipela bin givim long ol (Miok) isi tru bilong wanem, mipela i bin pilai long ples bilong ol Mioks", Roy Kela i tok.

Taim man husat i raitim dispela stori i askim Roy Kela na Robert Nandie, tupela i bekim na tok "nau bai mipela i pilai long Mosbi na mipela bai lukim husat tim i strong stret long em bai winim dispela gem".

Muruks i bin pilai wantaim planti stail na strong long

Lae long wik i go pinis, na i bin winim Vipers 12-8. Ol bai rere tasol long karim wankain stail i kam long Mosbi taim ol laik pilai wantaim Mioks.

Muruks em wanpela tim we i save go insait long fainols olgeta yia. Ol i gat planti ol strongpela pilaia osem Joseph Omai, Ver Mark na Roy Kela. Wanpela bilong ol em, Charlie Wabo, husat i no bin pilai taim Muruks i pilai wantaim Vipers.

Dispela wik Sande bai lukim Charlie na Joseph i karim Muruks i kam long

Mosbi long pilai wantaim Mioks olsem ol i save mekim long olgeta yia.

Mioks bai kam wantaim hangere na belhat antap long lus bilong ol long Rabaul. Skipa bilong Mioks, David Loko, bai karim tim bilong ol i kam long Mosbi long pilai wantaim Muruks.

Dispela gem bai wanpela strongpela gem we planti man, meri na pikinini i bai go na lukim. Wina bilong dispela gem bai pilai wantaim Gurias long gren-fainol.

Tim Bogenvil kisim helpim long BCL

i kam long bek pes

Long makim ol pilaia long Tim Bogenvil na ABG, Mista Masiu i bin autim bikpela tok amamas stret long helpim we BCL i givim, na moa yet, taim ol i wok long bungim hevi long mani sot long karimaut ol trening na wok redi.

"Mipela i wok long bungim hevi long mani i sot, na helpim we BCL i givim i kam stret long taim, na bai helpim gut stret mipela.

"I gat bikpela 484 pilaia na ol opisel husat i mekim Tim Bogenvil long go pilai long Is Nu Briten. Bai mipela yusim dispela mani long baim ol yunifom, karimaut ol trening na ol narapela wok redi na dispela helpim bai helpim mipela gut," Mista Masiu i tok.

Mista Masiu i tok moa tu olsem spots em i wanpela rot we i helpim Bogenvil i kamapim bel isi na gutpela sindaun na olsem, ABG i strong long sapotim ol yangpela long spots.

"Bogenvil Pis Proses o wok long painim bel isi na gutpela sindaun i bin stat long yia 1997 na spots i wanpela eria i givim sans long ol yangpela manmeri bilong Bogenvil i go aut na lukim ol narapela provins, ol senis na ol wok kamap bilong helpim tingting, laip na sindaun bilong ol.

"Olsem Jenerel Menesa bilong Tim Bogenvil, spots i kontribut long 50 pesen bilong bildim pis, jen da ikwaliti na narapela 50 pesen long amamas pilai long apim nem bilong provins na kantri na tu, long sosalais wantaim ol narapela

yangpela bilong ol arapela PNG provins, na lukim na lainim ol nupela samting," Mista Masiu i tok.

I gat 18-pela pilai we Tim Bogenvil i redi long en na ol bai go insait long en.

Ol pilai we Bogenvil i save mekim gut long ol na ol bai go insait long ole m ol masel (martial arts) ats olsem boksing, kikkboksing, taekwando na ol narapela olsem volibal, basketball, soka, paralimpik we Tim Bogenvil i gat 23 bai go insait long dispela pilai eria, ragbi 9s, ragbi yunien, atletiks na ol narapela moa.

Tim Bogenvil i gat 18-pela tim husat bai go insait long olgeta pilai we PNG Gems i putim aut.

Mista Masiu i tok ol bai kisim ol kosa bilong Nesenel Spots Institut (NSI) long Goroka long go givim trening na kosing long Bogenvil yet.

Em i tok tu olsem long dispela mun Septemba, ol bai kisim sampela Bogenvil trena i stap long ol narapela provins long go bek long ailan na givim trening long ol pilaia long hap.

Mista Masiu i tok wantaim mani we BCL i givim long ol, ol bai karimaut ol trening long hetkota bilong ol wan wan rije olsem long Buka, Arawa na Buin. PNG Gems bai kamap long tupela wik na dispela namba 5 gem long Kokopo bai stat long Novemba 19 na pinis long de namba 31.

Mista Masiu i tok Tim Bogenvil i peim pinis rejistresen fi long manimak inap long K10,000.

Kramer Ausenco sapotim gen Brothers Yunien Klab

Nicky Bernard i raitim

KRAMER Ausenco em wanpela bikpela kampani long PNG, ol bai i sponsaim Brothers Ragbi Yunien long namba 3 yia.

Brothers em wanpela olupela na biknem klab long ragbi yu-

nien insait long Pot Mosbi. Long wiken i go pinis, ol i kisim bikpela helpim kam long sponsa bilong Kramer Ausenco long ol samting bilong pilai na bilong ol sapota bilong ol.

Brothers Yunien Klab em i wanpela klab i save helpim ol yangpela manmeri long pilai,

na helpim ol long bihain taim.

Planti long ol yangpela husat i joinim klab i mas bihain ol rul bilong klab long ol i kamap gutpela manmeri long pilai graun, na autsait long pilai graun.

Bikpela samting long klab em ol save putim God i go pas long olgeta samting ol mekim

long pilai graun na autsait tu.

Tupela tim bilong Brothers i mekim go long nokaut na lus long wiken go pinis, Brother anda 19 i lus long Wanderas na Primia tu i lus long Wanderas. Tupela tim bilong Brother em planti em ol yangpela pilaia na namba wantaim bilong ol long pilai long fainol.



JESI: Presiden bilong Brothers klab i kisim ol samting bilong pilai long han bilong Sif Operesen Opisa bilong Kramer Ausenco, Bruce Nicholson. *Poto Nicky Bernard*

Tim Bogenvil kisim helpim long BCL



Veronica Hatutasi i raitim

OL YANGPELA spots o pilaia manmeri long Otonomes Bogenvil Rijen (ARB) nau i ken skruim strong trening long redi gut long namba 5 PNG Gems bai kamap long mun Novemba long Is Nu Briten provins, na tok tenkyu i go long bikpela helpim bilong Bogenvil Kopa Limitit (BCL) wantaim K330,000.

Long dispela wik Mande, Generel Menesa bilong BCL Pot Mosbi (na PNG) opis, Paul Coleman, i bin makim kampani, BCL, na donetim K330,000 i go long ABG insait long wanpela liklik bung long Mosbi.

Tim Bogenvil i gat long em 484 pilaia na ol opisel bai makim ARB long dispela bikpela pilai, PNG Gems, we kantri i save holim bihain long olgeta tupela yia, na long mun Novemba long dispela yia, ol bai holim long Kokopo, Is Nu Briten Provins.

Taim em i givim sekmani i go long Willie Masiu, em Tim Bogenvil Menesa na i makim ABG, Mista Coleman

i tok BCL i amamas long sapotim Tim Bogenvil long liklik we na spots em i bikpela samting long helpim kamapim gut laip bilong ol yangpela pipel long Bogenvil.

“Spots em i bikpela samting long Bogenvil na PNG. BCL i lukim spots olsem wanpela bikpela eria na em i amamas long sponsasip na sapot em i givim i go long Tim Bogenvil we i no kisim helpim long ol narapela lain olsem ol narapela provins. Em i bikpela samting long ol bisnis haus na ol kampani i sponsaim spots.

“Mipela i luksave na tok amamas olsem ABG i givim bikpela sponsasip manimak, tasol mipela i bilip olsem dispela manimak mipela i givim bai helpim long liklikk we. Mipela i laikim Bogenvil i mas go long dispela gem,” Mista Coleman i tok.

Dispela i namba tu taim BCL i helpim Tim Bogenvil i go long pilai. Long 2009 gems i bin kamap long Mosbi, BCL i bin helpim wantaim ol spot ikwipmen na ol narapela samting moa.

Moa long Pes 27.

GIVIM LONG SAPOTIM TIM BOGENVIL: Generel Menesa bilong Bogenvil Kopa Limitit (PNG), Paul Coleman, i sekan na givim K330,000 sekmani i go long Tim Bogenvil Menesa, Willie Masiu long Pot Mosbi dispela wik Mande. *Poto: Nicky Bernard*

All Sport and First Aid requirements.

**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**